

靖安縣志卷之十一

人物志下

孝友

元

朱仁二朱仲和子也性至孝竭力營養不使父母知其勞至正間母劉氏病亟藥餌弗效默禱於天曰苟可活母粉身甘焉割股和粥以進母病愈有司以聞詔立精孝坊表之

明

陳伯宣字宏化號鈍齋幼有至性就傳授孝經輒曰不如此非人子矣弱冠為諸生有聲以父景濟弗逮養廬墓側刻

靖安縣志

卷之十一

人物

木肖像事之母熊氏臥病侍湯藥不就寢者百餘日逾年病復亟命曰吾沒後無遠葬既卒伯宣哀毀骨立蔬食苦寢念母未葬夜夢闕山水有老翁從旁指曰山前水水後山此葬地也覺而覓地符夢兆遂以葬廬墓五年寢室忽萱草叢生荆華四時人以為孝感所致以子恩貴封知縣有司以聞詔旌其門仍賜伯宣冠帶

陳恩字天錫號石峯伯宣子也宏治舉人任湖廣崇陽令幼涖篤無童心秉承父教亦以孝聞母舒氏患風症採藥遇異人指藤樹煮酒可療如言疾果瘥逾年復苦痰咳恩啖涎味酸苦乃加所宜藥又割股和粥以進亦瘳已而母疾



竟不起毀瘠失常雖服除猶有餘哀會父左股患毒將危
禱以身代越三月又瘥事繼母不異所生宏治間詔旌父
子孝行之門子道亦登賢書任知縣

舒棐字似輔御史忠之子事母廖氏冬溫夏清未嘗少怠出
必稟命得甘旨物必懷歸奉母客至具雞黍必先以進母
人初疑其干名及久而無間有欲上其事者棐力止之曰
此吾分內事耳以此爲孝適重吾尤母老且病棐亦病猶
調湯藥勿倦母泣曰吾兒如此賢孝天必有以報母九十
二而卒哀毀骨立越七日亦死鄉人皆爲感泣知縣葉轍
作詩以哀之

靖安縣志

卷之十一

人物

二

徐學文字載道別字養性漢南州高士孺子之裔祖富昌自
南州徙居邑之石霞父梓英復徙縣市東門內學文少時
識量過人勸必以禮士夫競異之每朔望必齋沐籲天祈
父母壽居喪哀毀踰禮冬不絮夏不扇食不甘旨衰經不
少除妻蕭氏執婦道內相多方嘗以陶孟訓子爲法子八
皆器宇不凡長濟民職受司臺稱職孫玉璘善吟咏領鄉
薦

案徐玉璘鄉薦無考

國朝

舒大儒字魯乙號一愚富仁人歲貢生生六歲而孤事母朝

夕不離衣裙廁踰皆躬親浣濯順治甲寅寇起奉母逃難
猝遇賊泣訴全母命賊感而釋之母年九十五卒大儒時
已七十四猶號泣如孺子哀毀致疾疾革遺命以素衣冠
斂初大儒家貧養必備物因灌園資給藝韭甚美至今傳
爲孝子韭云

錢士琳字仲玉廂都人母漆氏早沒父大縉義不更娶士琳
備極色養父年八十未嘗一日離左右知縣黃天球爲立
傳子輝爲崇義廣文孫光祖貢生世濟其美人以爲孝行
之報

漆瑗字席儒棠棣人世以孝友稱十四齡時其父懋枋被土

靖安縣志

卷之十一

人物

三

寇劫去瑗痛激卽傾家所有抵賊營大呼曰鼠輩利吾財
耳可負貫去速還我父賊居竒猶豫瑗髮直指目皆盡裂
戟手厲罵誓不與俱生賊爲之膽落遂釋與俱歸事具司
徒宜所作瑗父子合傳

羅光德下安人母張氏病篤光德刲股和羹以進病頓愈順
治十一年知縣胡璉造廬給扁旌獎十三年知縣陳有爲
給穀絹銀兩康熙二年巡撫董衛國復頒給布帛二十九
年知縣高克藩舉鄉飲耆賓並嘉賚焉

應一相廂都人父病割股以進病頓甦已而復病一相復割
股其後母病亦如之前後三次父母存活者六年

涂栻字二張熊仙人康熙舉人性至孝母病危甚醫者謂需
嘗痰味之鹹苦栻竟嘗之醫乃進以所宜藥病果痊與兄
樞才名並著刻有制藝合稿樞次貢而卒當時士林月旦
有上有濂洛下有樞栻之稱

熊埴字敷五號碩存明弼季子事母至孝母病癱緩十年埴
負之出入不以假於婢媪與兄邑庠基友愛甚篤兄歿撫
姪如子爲萬載學博有學租爲豪猾占據僅存空籍前任
莫能清理埴以誠信感之竟自送還鄉居賑貧乏施醫藥
善行尤多著有青來閣集

舒春暹坊都人性孝友父病三載朝夕侍側父故教弟成名

靖安縣志

卷之十一

人物

四

爲諸弟完昏式好無尤凡遇歉歲施穀平糶救饑全活者
甚衆

舒時義字質存改字與仁忠夏人祖士俊贛縣廣文父正誠
增生五葉素儒一經傳後時義生四歲而孤祖父母方在
堂卽母熊氏進士銓之女兄也青燈課讀紡績資生時義
能刻苦自勵博學授徒藉修脯以爲養事祖母甘氏年逾
九十卒奉母曲意承顏母亦自忘其嫠焉後母死時義已
充歲貢不復就試但杜門著書而已其舅稱其孝行比之
李密茅容云

涂光簧字在中忠夏人基之長子性敏嗜學爲名諸生事親

孝父宦遊在外光簧以母多病未隨任奉母家居朝夕不離左右以時鮮良醫遂精研醫理自是母病服藥輒效壽臻大耋光簧每應舉子試一念及母卽舍皇以歸不終場事孺慕之忱終其身如一日鄉里咸以孝稱之

府志

丁球字碩臣號近峯象湖人乾隆乙巳恩貢父文富有隱德球生而啟樸力學能文累不得志於有司以經師教授鄉里尤諄諄小學一書每謂學者當求之日用行習間方有把握務遠好名皆非也有人稱其以田產讓兄弟事球謝曰我以筆耕兄弟以力耕勞逸固迥殊矣何足稱耶聞者益歎服年八十三卒

靖安縣志

卷之十一

人物

五

舒希泮字文淵忠夏人自其父叔卽以兄弟義讓聞於時父節儉起家非餉客不食兼味希泮生具至性幼時肄業棲雲寺離家五里每黎明入市購肉手自作羹以進仍返寺讀書逐日來往不憚煩父怒止之則跪而請曰不如此兒無心於學也偕從兄某赴省試臨場兄病劇希泮卽伴歸不以誤試期爲憾後登乾隆甲午賢書人謂無愧鄉舉舒致逢熊仙人幼時母病晝夜焚香禱祝願以身代醫者需審痰味方肯投藥致逢卽嘗之母服藥頓愈爲伯父後本生母沒廬墓三年以哀毀卒妻趙氏二十三歲守節遵遺命捐租百石爲書院田產亦見義之大者是可風也至今

士林咸食其德焉

舒式鏞字聲洪號韶齋式鏞字和也號夔齋國學生忠夏人兄弟友愛鏞生十歲而孤鏞長鏞十五歲以養以教俾至成立家素貧賴節儉勤勞遂臻康裕鏞年大耋舉鄉飲耆賓及歿鏞悲痛逾常鏞相繼樂善遇歲歉捐穀平糶迨食指繁多擬析爨鏞子四鏞子二鏞以產業區分爲六曰吾聞先世叔祖支有以伯姪情重讓二分析產者予少孤幸兄長教之成立敢於猶子有異視乎諸姪咸讓鏞不允卒如所議厥後子孫輩亦俱能恪守先型世濟其美鏞子希泮乾隆甲午舉人鏞曾孫恭恕道光庚子舉人書香不墜

靖安縣志

卷之十一

人物

六

人咸謂孝友遺澤云

舒啟鵬字傑士號雲衢邑武生時浩次子慶元第孝友謹愿偕兄怡怡邑養二親同臻大耋析箸後用財緩急無彼此家素不豐猶子化民數上春官窘資斧命鬻堂產以佐計偕家用不支亦欣然後以姪貴 馳封文林郎山東長清縣知縣孫孔惇登武舉揀選衛官鄉里咸推耆德舉鄉飲正賓

張謙吉字香國號玉池下安人授主簿職少貧長失怙偕兄弟勤儉持家孝養孀母式好無尤間嘗服賈資洗腆家漸以豐性好義族弟愈宋早歿遺二孤其妻無以爲生將改

適謙吉聞力止之爲經理其家俾有所贍嘉慶己巳邑修學宮與余姓捐建魁樓其他濟人利物諸事恒力爲之家範肅穆食指千餘無間言邑侯馬梅亭廷燮重其品數延見有加禮謙吉卒未嘗干以私子若孫能守彝訓敦詩禮焉仲子敏功爲諸生例充貢季子翊功議叙八品孫運梅以明經就訓導職用銘補弟子員足徵其詒謀有自矣舒恭行字讓伯一字交木後以震庵爲號懋官長子賦質敦敏五歲能屬對上逮曾王父母堂上悉愛憐之成童已完九經應郡邑試每奪前茅爲縣學優廩生嘉慶癸酉學使潘芝軒先生拔萃貢成均

靖安縣志

卷之十一

人物

七

廷試列二等分發四川試用知縣告假未赴恭行天性最篤依戀庭闈不啻孺子慕時父宦粵東往省請命曰兒自揣民社未諳大人在公勤勞祖父方就養恐公私兼顧不逮願長侍膝下佐理家政父嘉其志許之自隨任迄回籍前後二十餘年舉凡事長撫幼洎田園廬墓諸務鉅細親操咸理無貽上人慮迨二親永感仲弟恭受起復再宦浙江調擢甬東令丞值夷氛日熾軍務旁午旋委收復定海兼督糧臺恭行皆從幫辦中間惡刼疊遭風波震恐患難死生之際骨肉相依爲命困苦驚憂備歷至五六年之久有人所不能堪者詩稱脊令在原兄弟急難信非虛也外事

稍定歸里未一年積勞致疾古稀未屆賫志以沒里人傷
嘆恭行精力本健居鄉日遇邑中興舉公事及宗祠祭產
各件靡不竭誠經理人有難處事必盡力爲之解紛故至
今追思者衆其族祖自庵觀察素加賞識製駢帖以哀之
詞曰子求盡孝兄求盡友父求盡慈劇憐辛苦備嘗祇以
彝倫爲事業敏而能勤直而能溫和而能介可惜經猷未
展自應厚德裕兒孫識者以爲蓋棺論定云子三長寬宇
道光乙未舉人議叙候選內閣中書次寬詔增廣生出繼
三弟恭立後爲仲父嗣孫

舒懋鉉字述先號石谿南源人授職府經歷先世以書香忠

靖安縣志

卷之十一

人物

八

厚傳家懋鉉秉性篤誠幼爲大父鍾愛命名以立蓋早知
其能自立也父繼仲力學未遇生子三人懋鉉居長父撐
持家務食指累重懋鉉在塾念父劬勞日甚中心皇皇爰
輟讀負米以爲養時廢著於樟樹鎮肆業日興復偕兩弟
至鎮並克經營有成不十年俱致小康歲時兄若弟歸省
怡怡膝下養志承顏父母顧而樂之里黨間咸嘆美焉迨
二親先後見背哀毀骨立奔走尋山下兆於奉邑蔣家坪
安葬如禮春秋祭掃餘痛未忘遠出必詣墓以告歸亦如
之其事亡如存胥類此懋鉉晚年與兩弟列屋而居咫尺
親密若未分爨者教子姪以孝弟忠信勤儉讀書爲本遇

公事必竭貲力以應不少恡如修宗祠族譜及邑中塔壩城垣諸鉅工皆與其事平居持身涉世於老氏慈儉三寶之訓尤兢兢云子三人長邑增生次太學生季子恭詒道光丁酉拔貢生就教候銓孝友之門後起當未有艾

李虹字克寬號烟齋上安人邑廩生幼慧而孝每輟卷常依膝下其父刲股療父病痊虹亦刲股療父父卽愈所以孝哉一語人言無間至其豪俠好義嚴正自持學問淹貫屢屢呈薦猶顯焉者耳

涂苞顯字達先號位軒熊仙人性簡默言笑不苟幼時好讀書通大義家貧常爲人傭書籍筆貲供二親甘旨遇老宿

靖安縣志

卷之十一

人物

九

啟迪學成歸而授徒於里恒孺慕依依膝下每晨夕必調餅餌奉親然後入塾妻歿不再娶以弟之子爲嗣二親皆享及歿哀毀骨立負土築墳廬墓三年以疾終於墓所

雷悅智悅賢雷揆華之嗣子也咸豐六年賊寇塘埠悅智兄弟奉父攜眷避賊匿跡於霞山賊突至二子跪伏哀號云我等本地居民奉父避兵於此賊欲殺之二子衛父捨身刀傷鎗刺至遍體血痕霑衣盡赤願身代父死遂泣拜父曰兒身代父不能復奉父矣語賊曰速殺我兄弟速釋我父賊不顧竟牽長子智殺之擲頭於地復牽次子賢殺之亦擲頭於地揆華昏絕賊復掠揆華兩孫以去遭際之慘

如此揆華僅遺一媳奉養服勤相依爲命事平越明年兩
孫均從問道回悅智悅賢照例議卹

羅吉占忠夏都富二人孝行素著咸豐三年奉諭辦團勸
捐籌餉帮理局務吉多負勤勞六年正月晦日聞賊麇集
抵境遣長子謙次子誠三子詔俱赴陣勦禦母抱病欲負
而逃母責以背義莫敢違陣敗賊至母罵賊賊怒刃之吉
以身衛無完膚俱死時子年六十母年八十有四

彙載刳股孝行姓名

舒淑 生員忠夏人 療母

舒志恭 南源人 療母

舒有益 石馬人 療母

舒春元 坊都人 療母

靖安縣志

卷之十一

人物

十

鄭世文 益田人 療母

舒春錦 坊都人 療母

潛鯤化 東江人 療父

舒士和 石馬人 療父

舒亮訓 吏員石馬人 療母 疾愈邑令黃天球解之

龔顯蘭 進里人 療母

舒炎 生員富仁人 療母

趙元正 熊仙人 療母

李良玉 上安人 療父

李虹 廣生良玉子 療父

羅人傑 原名亨 永生員 石馬人 療母

舒國松 忠復人 療母

劉文波 益田人 療母

龔學金 八療父 療母 二次

張其珣 下安人 療父

羅亨道 石馬人 療母

徐承桂 下安人 療母

舒式垣 下安人 療父

胡唐忍 南源人 療父

舒佩金 富仁人 療母

涂祖方忠貞人
療母

徐秉吉坊都人
療母

均據採訪核實舉報

高克藩論曰孝道甚大全之者甚難在人子不欲以孝名其門內常行又未可以孝許之今通邑所舉報者不過割股數人割股不得為孝以其毀親之體傷親之心且不可以訓也但一念之誠可格鬼神擴而充之雖聖賢不外是為人心不古子職多垂得其一節亦可風世今存其姓氏別為一條不編列為傳者所以著孝道之全體也仍存其姓氏者所以著孝道之一節也由一節以勉其全體則光施邑乘端必賴之矣

靖安縣志

卷之十一

人物

十一

義夫附

錢大縉字章我廂都人中牟丞裕國子補邑諸生嗜學有聲年十八娶漆氏結褵十五載漆病歿大縉終身不再娶年八十七卒子士琳以孝稱

按舊志義夫兩人其一為明李尚書宗頤事已詳見尙書本傳及夏夫人節烈傳中無須複述附記於此且一人亦無二傳之體也

鄧克成字集士棠棣人年十九娶妻孫氏伉儷甚篤結褵十一年生三子而孫歿時父母俱存屢諭其續昏克成家素優裕力足以具聘錢重懲衣蘆之戒竟守義終其身乾隆

五十四年合邑舉報義夫

漆占泰字次球號平階棠棣人歲貢生力學家貧藉館穀以爲養娶縣城儒門女舒氏性極賢孝占泰授徒於外賴氏辛勤井臼奉堂上菽水無乏撫育子女長大占泰以是免內顧憂得專心於學無何舒氏患勞疾竟歿翁姑傷念占泰慟失良偶從此日侍親左右不復遠館有勸其續娶者嘆曰賢婦難再得吾已有子安忍負之每誦元微之惟將終夜常開眼報答平生未展肩之句以爲誓自壯至老四十年鰥居逮事親終養乃修靜禪院注易年七十餘卒里人稱其守義無異詞

靖安縣志

卷之十一

人物

十二

涂祚櫃字詔士熊仙人年二十二歲娶安邑歐陽氏妻死不娶現年七十五歲孫曾林立仍嬰鑠能任重不肯自逸云葉其祥字清士富二都人娶妻羅氏妻歿不再娶鰥居四十餘年現年八十有二

舒鳳翔號梧崗磔坑人娶妻陳氏妻歿鳳翔家非窘迫守義不娶竭力養親現年七十歲

趙孚楠追里人娶妻劉氏妻歿不再娶撫二子成立族黨無間言

涂光鏗熊仙都人娶胡氏生子二守義不再娶撫二子成立至咸豐丁巳年平時年六十四歲

涂光錁熊仙人娶熊氏生子二妻歿義不再娶二子均已成立現年七十二歲

甘仁健字體乾號子岡棠棣人性耿介事親至孝好讀書娶舒氏生子一而妻病卒健事親撫子鰥居者三十餘年親操井臼以故廢學有勸其續娶者惻然曰娶妻爲無後耳今有子奚忍負義至今諸孫林立人以爲守義之報云

以上均據採訪核實舉報

善士

明

舒欽字廷正別號清溪知府敬之孫簡言敦行好義輕財鄉

靖安縣志

卷之十一

人物

十三

族多稱爲長者年七十未嘗一至公門人或侮之從容責以義絕不與校愛植松灌沃成園有鷺鷥來巢禁童僕毋破巢取卵一日盜至門見所示禁嘆曰愛物如此愛人可知感愧而去化爲良民

舒榆字汝孝號紹峯幼從父清宦遊博交俊傑補邑庠屢冠多士胸次磊落不羣有急難輒傾囊爲之排解人多以遠到期之

趙庶字國賢號雲峯經歷炳之子性狷介在庠三十餘年能安義命篤行孝友以恭儉訓子孫不輕履公庭賑貧乏重義輕財有古長者風

舒桓字汝抑號繡峯通習經史絕意榮祿以孝義稱於時尤
慷慨輕財一日家人路拾遺金卽命訪還其人拾金不昧
人皆義之

國朝

徐士堯字唯則迨里人六世同居誼篤宗族好善樂施乾隆
十四年黃制軍訪查善人公舉詳報勒名旌善亭

舒亮文字亦章石馬人居家孝友力行善事捐建學宮戟門
有功學校合邑舉報善人勒名旌善亭

程時賢礪都人持身端方非公不履城市修理圯橋塲路合
邑舉報勒名旌善亭

清安縣志

卷之十一

人物

十四

余从典字傑士東江人性恬退家不饒於貲而好爲義舉修
通衢石道建石橋皆費數百金爲之乾隆壬辰學使曹文
植闢南昌考棚从英首倡捐費集事曹善之爲勒其名於
石己亥知縣張龍占舉鄉飲合邑紳士交推从英固辭不
就以子光瑞職封登仕佐郎長子光瑞克承父志亦以
好善聞於鄉

府志

舒際昌字應五號敬亭熊仙人由貢生授主簿加州同職銜
舉嘉慶元年鄉飲正賓自其祖父以忠厚起家饒有田產
際昌承之以謙退未嘗與人爲忤有犯之者泊然不校也
性好善乾隆丙子歲饑以所餘食穀減價平糶不給復於

他邑買米三百石以足之丙午邑復旱又倡捐穀一千三百石平價以賑凡學宮書院靡不首先倡捐其他捨藥施棺修橋渡茶亭諸義舉不能縷述約計前後所費近萬金嘉慶十六年邑令馬廷燮彙案詳請奉

旨旌善人給銀建坊兄際元字步虞任當塗縣丞有幹濟才弟際盛字隆周太學生睦嫻任卹稱其家風

舒翼字志魯號樹亭熊仙人授職主簿家素饒樂於行善凡修縣市西城內牆根及山口魯崖乾灘樵山坳黃田張背嶺各邨莊道路共四百餘丈子藹春授職州同亦修南港墩李洲坳樟樹下虬龍庵諸處要路共二百八十餘丈費

靖安縣志

卷之十一

人物

十五

俱多金鄉人德之

熊祖字廓野號松溪新興人授職州同家世席素封其父卽多善德祖能承其志凡邑中賑濟饑荒及修建學宮書院率首先捐輸無恹色鄉間有貧乏者求之輒應尊師好士子燧後舉於鄉

舒丙杜字敬修富仁人授職州同家不甚豐而慷慨好義捐修四門環城石路躬自督工未畢事而疾亟遺命子孫成之費至千金行路無不稱便今猶以時補葺焉

余光瑄字次玉从英次子授職從九嘉慶十九年捐修東門外晉道通衢石路凡四百八十餘丈費五百餘金人謂其

好善有父兄之風

涂逢炳字季方能仙人少恢濶有肆應才業鹽筴積至饒裕能調人之急族戚皆樂依之遇地方公舉亦樂於趨事嘗捐造長靈洲石亭以憇渡者亦善行之一端也長子翼燕舉人以四子承燕州同職請封儒林郎

鄭映川原名滋以字行南源人授職州同席先人薄產習勤苦積累至田租千石捐百石爲合邑生童應試卷資又爲本都甲長捐置圖會以備輪充之費里人皆拜其德其他置祖祠祀田修鄉里橋路善事甚多力行不倦

舒崇鏡字鑑遠忠夏人家貧無儻石而好善出於天性見人

靖安縣志

卷之十一

人物

十六

輒誦誦談陰騭事自以少未讀書路遇片紙隻字必拾襲以歸聯惜字會月一收燬邑中凡有工作不惜身任其勞如修府學敬義堂及石磯堤壩沙河橋渡皆倚辦焉毫無染指其他零星粘補并竭已資以成之嘗自言吾藉人財以成事而顧惟利是漁匪徒負人先不堪自問矣人謂其語非虛

項煦字亦和號春臺大梓人其祖父皆業儒煦幼習舉業不售乃援例授國子生督耕課讀恂恂然敦古處以率其鄉生平質直好義周人之急有族弟某貧不能娶給貲爲之經理鄉隣有匱乏者貸以粟不責其償其餘建橋修路

義舉凡力之所能及輒慷慨爲之居常端坐一室錄古今賢哲格言銘諸座右有時閒眺壠畔與父老談田家作苦事見者無不起敬咸奉爲老成典型焉子五伯仲皆早卒三先拔授職按察司照磨四玉筠授從九品幼玉笏邑諸生孫炳南領壬辰鄉薦皆能凜遺訓以詩禮世其家云舒一清字澄溪邑廩生峻厲有才氣同列憚之長子癡幼者髻齡聰穎一日赴塾上南橋適遇布車北下勢急力不及持傷其小腹倒地逾時殞命觀者環集羣縛車夫鳴之官布亦散失及半一清至一痛幾絕繼而曰吾子死於非命數也車夫無心卽置之法何益立請於官釋之並求代追

靖安縣志

卷之十一

人物

十七

還所失布邑令曰生厚德如此當另育佳兒後果舉子入庠有聲孫恭彥歲貢成均人以爲善念所致云

閔京璜字瑤圃夏陂都人先世以耕讀爲業京璜賦質樸誠鄉里稱長者雖處困乏而天性好善凡事有可方便於人者必竭力以圖之公舉鄉飲衆賓里間間遇有爭端成就質焉得一言解紛無不折服尤敬重讀書人其子中鴻姿性超敏因家貧親老輟學牽車服賈以爲養漸致贏餘京璜晚年謂其子曰吾生平幸無大過失爾今生計稍裕須輕利重義行所當爲縣城雙溪書院 文昌宮未置祀田宗祠家塾未建一切務留意成之吾願始慰後中鴻慷慨

好義克成父志於道光六年謹遵遺命捐輸廻溪出租二十五石有奇奉祀 文昌宮香火呈縣立案延師教子澄瀾力學入泮其他公私義舉甚多茲不具書邑人以爲京璜善德之報云

耆民鄭亮植字立儒向霧沿河有崖路土名雷打石往往逼人墮溺立儒修整之又修五里墩石路百餘丈

涂廷吉字藹士號潔泉熊仙人授職州同以勤儉起家性好善行嘉慶壬戌庚辰兩次游飢廷吉捐穀四百餘石賑濟族鄰有近地大畔木橋傾圯廷吉改建石橋費三百緡其他修祖廟以妥先靈篤友于以和兄弟亦行誼之最著者

靖安縣志

卷之十一

人物

十八

雷春鳴字長民號雨窓追里人篤學砥行事繼母以孝聞早補弟子員席豐厚而儉約自持工詩淡於進取精岐黃活人無算踵門求者無虛日鄉里有事輒相就正道光年間以捐輸義倉議叙八品咸豐年間舉行團練總理保衛鄉里出力居多辛酉寇熾掠鄉間詣省請兵憂瘁過甚遂成疾逾年卒子汝霖膺上庠有聲

涂鳳鳴象湖人生平好善道光十八年捐貲倡修嶺路上至牛路嶺暨廣濟橋下至梅嶺暨安義裏源長嶺凹者起之凸者平之傾者培之圯者修之崎嶇仄徑悉成康莊事歷寒暑六周功成後先二舉心力交瘁懿行克彰至今往來

者猶嘖嘖稱道不衰

梁錫爵熊三都人居近藕潭崖路通衢北達襄陽南通吳會
行旅往來絡繹不絕而上臨峭壁下俯深淵鳥道崎嶇行
者苦之道光二十五年公募化督工修成坦道又小橫塘
春夏水漲有舟不能渡其上有高崖一座石骨嶙峋公倡
首題緣因舊時樵徑闢爲康莊雖遇洪水不阻行人又藕
潭之西有程陂一堰罅漏基多公亦首率農夫掘石堅築
灌田數百畝而洋螺一邨無旱災

趙人偉字錦章號冠夫追里人幼習舉業有聲甫冠而孤遂
援例貢成均先是家不甚豐而素性好義道光間三次歲

靖安縣志

卷之十一

人物

十九

饑偉惻然急碾米減價以濟或散借鄉人其償與否不計
也府屬建義倉捐巨費本邑修文廟葺城垣建考棚同
勸捐并已亦不吝且於文廟諸舉指畫經營布置妥當
三年之凡始終不倦迨邑之建審與會也人偉喜以爲此
又舉亦輸金無難色乙卯冬賊據縣城聞官兵至自以年
老遣子司至從戎值軍需缺出谷三百石以助不邀獎敘
其於公事無不慷慨踴躍類如此年八十六卒

羅守謙字晰凡號竹亭富二人肆舉業擬特自立理家與勤
學並營而學問文章卒能與年俱進廿餘歲列郡庠生三
上鄉闈未第遂例授明經延師教子先後成立凡義舉善

事引爲分內創建祖祠倡首樂捐身親督理始終不懈至
邑中公務如文廟城垣志塔考棚義倉賓興河堤義渡無
不捐貲出力者性正直而機警識微見遠輒能先事預防
咸豐三年塘埠辦團剿禦功雖著於後此數年而區畫之
周實由於始事時守謙猶在善後團規皆經手定出貲出
力提倡大義生平所爲類如此及其卒也前任教諭魯輓
云義舉倡先白粲朱提佐軍政經訓傳後青燈黃卷樹家
聲誠有以得其概矣邑侯劉額一門嚮義

李善恆字行有號鎮北上安人幼慧能文緣家務煩劇未獲
上晉壯年熟觀史記及各善書以故嚴氣正性重義輕財

靖安縣志

卷之十一

人物

二十一

曾瘞尸掩骼建梁通津解囊救溺出粟濟貧暮年義方督
責常諳諳於孟文三自反之說爰得一鄉稱爲善士焉

舒亮鵬字鵬友雲庵其號也父海亭公年十八入縣學次年
疾卒幼卽失怙因母錢孺人以養以教至於成立生而聰
敏過人言笑不苟舉動必繩以禮法應童子試屢絀遂援
例入國學鄉試兩薦未售因歎曰是有命焉不可倖而致
也論語不云乎施於有政是亦爲政由是絕意進取退處
林泉公善自封殖持躬以勤儉爲先五十始衣裘器用飲
食必擇粗礪人曰何自苦若此公笑曰吾非自苦也乃惜
福也公又好施與喜賑人患難嘉慶壬戌平糶鄉人感其

恩楊邑侯給匾以旌之年六十餘卒有男三人長采麟年十六入縣學次年食餼於庠鄉試亦兩薦未售年三十二而終次采鹿以援例授武升分發山東以鄒縣縣丞請封父母公由是 覃恩贈修職郎載邑乘三采慶屢試前茅未遇遂賢志以歿事載邑乘有傳長孫受南係采麟長子也少慷慨有大志才識過人以應童子試兩次額滿見遺遂棄舉子業治家得祖父遺風訓子弟以勤儉然有義舉輒傾囊不少恠以故辦荒捐貲平糶義倉捐貲出力以及文廟考棚城垣壩塔族規皆身任其勞克襄其事先是邑中創建賓興以爲一邑盛會尤喜踴躍輸助厥後熙邑侯

靖安縣志

卷之十一

人物

二十一

敦請六人董其成受南居首亦重其才識而然也受南以諸大舉故先議敘八品次加一級復軍功七品後因報銷得同知銜焉迄今長嗣懋頤孫恭篤書香不絕人謂其報施有據云

附諸善行姓名

舒 焜富仁人從九品職捐修萬坊石路五十丈

姚宗科追里人乾隆癸丑大水捐貲掩骼四十餘口

余从豪追里人監生乾隆癸丑大水捐貲掩骼三十餘口

陳之芬 人道光二年族人在府舉報善行給有任卹可

風扁式

徐國理追里人舉報善行

陳炳輝富二人同治五年捐修忠夏都竹根坳石路壹佰八十餘丈

項鳳詔夏陂人修石路有三里許石橋三墩長四丈有餘
涂書府熊仙人每遇歲歉減價平糶捐貲立義塚掩骼壹百四十餘口

涂占祥熊仙人家本貧里黨貧乏減價平糶人多異之
胡秉權追里人咸豐癸丑以穀三百石給族賑饑減價平糶歲以爲常

涂希濂夏陂人倡捐修南門外獅子坳石橋及大源墩胡家

靖安縣志

卷之十一

人物

二十二

橋洪家橋行旅便之

黃會照陂二人嘉慶七年歲饑平糶

劉向晨象湖人培補露柳六十餘塚

余頌平東江人道光二十八年歲饑捐金二百賑濟咸豐三年逆匪竄擾省城戒嚴油燭缺乏將市存貨物概助軍需估值千緡不邀獎敘

李貢富二人乾隆癸亥歲饑捐穀千石減價平糶

舒韶廂都人道光丁酉年捐修洋螺石橋長一丈五尺濶三尺道光辛丑年又捐修焦溪石橋長三丈五尺濶四尺五

寸

隱逸

宋

劉子虛字君實以文學孝友稱隱於桃源山自號支離翁釋善權賦古風十二韻贈之

按舊志子虛爲棠棣人善權贈詩見藝文

元

舒公平字廉夫一字獨頑宋衡州錄事參軍邦佐之後延祐間邑宰薦貢舉力辭不赴會官定戶籍公平奉命總復靖安諸鄉凡有田不稅無田虛稅之家悉以實報蒙惠者甚衆捕寇官軍至縣俘男女百餘公平捐貲飲食之言於主

靖安縣志

卷之十一

人物

二十三

帥多獲免遇歲饑輒竭所積賑貸且命工斲材以給死而無棺者遠近深德之博涉經史於春秋尤邃然不苟作注釋每評論宋文推蘇明允第一學者稱之曰平山先生祀鄉賢

明

塗鉉字鳳韶號屏山熊仙人博通經史旁逮方伎之書莫不通曉居家以孝事親處鄉黨朋友一以忠信爲本遇荒歉樂於周急鄉人德之宣德間有司以賢良方正薦不就惟以邱園自娛嘗訓其子淮曰汝幸登科第尊榮有命操守已在已當竭誠報國毋戾祖訓淮後遂爲循吏

黃化清字源潔號淡庵生九歲而孤母陳氏鞠育成人以孝友著聞讀書好禮不慕仕進人多重之次子鉉選貢甯波府推官御史張楷撰化清墓表稱爲淡庵處士

舒鑑字廷輝號樗齋富仁人養望林泉不干仕進執親之喪哀毀骨立人有以橫逆加之者笑謝之而已族黨交稱其孝義宏治十一年詔舉山林隱逸之士知縣朱祚舉鑑以應辭不就十八年知縣張伯祥奉例給冠帶亦却之年逾八十卒

舒鎮字廷節一字思誠富仁人初習舉子業以父宦遊兄罹疾遂棄去總家政勤苦質儉待宗族訓子孫以禮義每朔

新安縣志

卷之十一

人物

二十四

望集長幼詣祖祠拜謁自壯至老不怠遭華林賊拘繫復被宸濠囚禁皆不屈好賢樂士周卹貧乏賑饑掩骼之事尤多正德丙子當事廉其賢舉鄉飲不赴

陳大鴻字漸之益田人質直好義鄉里貧乏者稱貸不責其償立義館聚鄉族貧子弟教之季子女任知縣治行有聲嘗訓其子孫曰汝曹只是守分勤讀書毋外慕爲也邑令賢之屢請鄉飲不赴坐臥一外樓焚香讀易別號東牕懶人新安御史汪道昆銘其墓

國朝

甘體元字汝諧東江人寄情山水不慕榮名餼上庠有年人

勸其需次明經可得官體元飄然長往以廣易參同契遺其子不知所終

舒觀字瞻子坊都人性情孤介生平無苟行尙論古人是非不肯少假補弟子員教授鄉里不事生產陶然詩酒有古高士梗概

舒大縉字冠卿富仁人明季爲諸生有聲督學蔡公雅重之辛酉以後隱居林泉閉戶著述父歿遺產悉以與弟教授鄉塾從游者甚衆著有尙友居詩文集

趙元輝字三英追里人文同四世孫爲諸生博通今古有經世之志集史傳中名臣儒將爲經文緯武二集遭時不偶

靖安縣志

卷之十一

人物

二十五

隱於鄉里好義篤行從弟某寔甚爲之完娶遺一姪復爲昏配並割產贍之有余甲因貧鬻子元輝贖之以歸知縣屠尙黃天球素矜慎不輕許可人於元輝獨懸楊焉

周崑字嵩長自號草窗子少隸諸生籍旋棄去居貧守約蕭然自得雅以吟咏自娛工篆隸書能入漢人之室刻畫花石銅魚諸古器曲肖物情邑孝廉舒亮衣贈詩高其獨行熊進士銓亦稱爲城南畸人著有集古新編自笑吟集同時有逸士舒亮芳與崑齊名人目爲小三絕

李清字延白邑之三樞人明尙書李公叔正後裔爲人澹古澹泊安貧樂道帶經而鋤少籍諸生試文深入理奧名傾

士林顧獨不喜干進邑大令慕其名欲羅致引重不輕投
謁也窮居好學深思每一鐙危坐玩索先儒性旨旁逮山
經路史靡不淹通自謂生平得力尤在周易近思錄二書
中歲益精著學淡於世事遇人物我渾忘有鄰子築室侵
其基址旁觀爲之不平清笑謝曰彼佔我地能佔我天乎
竟不與校迄今道軼事者猶想見李先生德量云

舒時浩字向若自號述庵忠夏人國子生性行誠篤自幼家
貧好讀書弱冠失怙母善病因棄舉業習岐黃家言母以
壽康隣里求之者亦時往應不輕受餽遺並工青烏術嘗
謂此二事本人子所宜知吾以求無悔而已平生取與極

靖安縣志

卷之十一

人物

二十六

矜慎遇貧乏者輒傾囊贈之嘗減己口分穀以賑饑待鄉
黨宗族惟謙牧人或侮之不與爭且曰當學喫虧寒山拾
得之語可味也子二分業文武長孫化民以名孝廉令山
左有聲孫曾亦世其家學浩夫婦同登大耋而終

舒麟祥字玉書號韻窗振甲仲子性清尚而厚於仁少隨父
任不慕華膺旋侍母疾歸里邑養備至友于兄弟最篤處
族黨務謙抑自下自幼記誦過人讀史不放過一字顧淡
於仕進亦不問家人生產坐是速貧然見人饑寒疾苦如
患在身常稱貸而與有莊佃王某積租欠多年王不自安
將鬻子爲僧以償麟祥聞急慰止之焚其負券仍與佃諸

類所爲皆身受者告人言也其平居教子弟以行誼爲先
所居室曰靜觀有蕭然自得之意中歲長子懋官成進
士令舉東迎養官署養不許豐但問讞獄有所平反則喜
曰惜一日民命勝於萬鍾祿矣垂老歸鄉子若孫相繼登
科第麟祥日置酒招鄉父老歡然道故時或棕鞋桐帽徜徉
郭外山水雜漁樵與談古事見者不知其爲封君也壽
至八十七無疾而終

舒錦泰字達五號繡屏賦性穎異能記誦兩兄勵志書城遂
棄業而謀生計蓋不欲以家政累親心也母病服侍湯藥
衣不解帶者累月仲兄彌留時執手託以孤兒一力承擔

靖安縣志

卷之十一

人物

二十七

撫孤贍寡訓至成立里中有張姓兄弟以分財隙幾訟於
官多方勸解遂爲兄弟如初平生和藹可親不設城府尤
重然諾有季布風家貲不厚而慷慨好施辛卯歲饑減價
平糶邑侯宋慶賞給予觀義斯居匾額通曉土木事宜倡
義勸捐重建萬壽宮藥王謚母城隍等殿卽城工堰工漕
倉義倉亦賴其規畫援例納監與賓筵以長子允元州同
職封儒林郎三子夢蓮英年食餼負詩名署安徽巡撫吳
坤修刻其詩稿寄生草一集四子夢芸領己未鄉薦孫林
立曾孫寬印亦在庠壽八十四

李勝友字廣士號寅賓上安人以孫丹歲貢生候選訓導例

贈修職郎性孝友父歿後母病四載湯藥親嘗昕夕無懈
晚年合分異之兄弟弱姪同居爲之婚配且每日以心田
二字誨後人草時猶以教讀遺命年八十四

舒公德輝字建侯梧岡其號也坊都人弱不好弄長而能文
性孝友父諱做岫縣庠生以詩書貽後嗣公克承父志補
博士弟子員母羅氏得噎疾公侍湯藥不稍懈甘旨不缺
於供十年如一日也兄弟二人公居長友愛甚篤不減姜
氏之風家故貧寒授徒自給每以綱常倫紀引誘後進輒
娓娓終晨夕不倦善岐黃之術有求必應遠近咸賴之存
心正直不詭於時言笑不苟鄉里奉爲典型尤好義舉族

靖安縣志

卷之十一

人物

二十八

故有興賢文會公與族長竭力襄成設立祠規匡持文教
者居多今公雖往而公之孝友與公之正直猶令人思慕
不置云

舒仁民字聿愛號粒菴忠夏人幼讀書屢試未售遂輟舉業
授國學生事母以孝稱母病親侍湯藥衣不解帶朝夕焚
香禱天願以身代性嚴正無毫髮私與弟作民雖析爨而
分貲潤財不分彼此篤志課讀敬重師長後人多賴以陶
成經理家祠潔已奉公無不敬服子三長孔惇中式道光
壬辰武舉卽補漕標千總銜次孔衡積學未售負才早世
團練捐輸獎以軍功九品三孔恬入邑庠

熊汝淮字用儀熊仙人庚寅歲貢號葛陞爲人胸無城府與人無可否特不欲爲非義事家奇貧嗜酒得多錢留作酒資雖衣敝不慚人勸以授徒閒亦許之然有酒則留無酒則不顧而去局雖家居屢空晏如也先生雖遊於酒人乎然其爲人深沈好書善戲謔滑稽詼諧傾動四座常借此以規人失有曼倩之風凡經談論無不啞然笑悚然悟者居近市出必提壺自隨其半生託隱醉鄉士林中絕無遺義是真能效法前賢類有道者使僅以忘貧目之猶淺之乎相天下士矣

項先拔字鳳鳴號璞堂太學生煦之子幼業儒以父兄早逝

靖安縣志

卷之十一

人物

二十九

輟業持家援例入國學授按察司照磨職克承父志以詩禮課子姪義方督責多所陶成與弟玉筠友于甚篤同居七旬如一日居恒敦古處仗義鍊財凡邑中城垣 文廟考棚書院賓興及家廟諸舉俱捐貲贊成之

漆廷琦字玉成藍田其號也性謹慎忠厚和平一鄉皆稱善人焉其行事不少概見澄波萬頃不留涓滴而深人景仰之思可以識其故矣

劉定忝字邦泰號毓峰棠棣都人卽唐校書劉全乙先生三十六世孫也孝悌之行聞於鄉無間言每加意本源之地祖堂將圯先生以尊祖敬宗大義勸勉族人均欣然樂從

勸貲助力堂構爲之復新祖靈賴以妥焉性廉介雖一毫不苟取而於賙恤貧困與一切義舉輒慷慨不少吝礪坑廖家洲本棠礪兩都要津春夏水漲人每臨流而阻冒險輒被水厄先生憫之將立義渡以濟未就而歿遺命其子踵成之捐置田租爲永遠贍渡之貲造舟爲梁名曰仁濟渡後遂無病涉者

鄧維雄字勇士號德齋本邑東外夏陂都人秉性篤誠甘儉樸家不甚豐而好行善事貧乏告貸無不爲之周急爭端就質盡力爲之解紛修鄉里橋路置祖祠祭田遇讀書人尤加敬重時年古稀捐修鴨婆準通衢石路四百餘丈親

靖安縣志

卷之十一

人物

三十

自督工事未畢而疾作卽遺命五男續而成之費三百餘金行人無不稱便後長子承歟性誠篤克承父志凡公私義舉無不踴躍從之道光辛亥創修文廟考棚及賓興團練無不慷慨捐輸他如修城修塔修廟以及義渡種種諸善端人咸謂承歟好善有厥父之風焉

舒懋鍾字毓秀號情田南源人授職布政理問先世以書香忠厚傳家幼爲大父鍾愛故命名以鍾父繼仲力學未售授職從九鍾能體父志特以本職榮封二代可謂不負鍾愛之心也兄弟三人鍾居幼因家貧輟學牽車服賈肄業樟鎮與兩兄並克經營俱至贏餘繼仲晚年謂其子曰

今生計稍裕爾外祖曾姓尚處困乏當得以培植根本爲
要鍾後果留心本地置買田租永遠奉祀凡篋中所存風
逋之項悉焚其券鍾曰吾不焚燬恐留此徒累子孫耳遇
公事竭力捐貲善則歸親戚豐年間本縣團練捐錢肆百
緡縣憲劉清華稟請撫憲給有克勤鄉守匾額如捐修石
馬古田寺及樟樹港義渡樂爲好施持身涉世皆能凜先
人之遺訓子恭第儒術未終例貢生授職知府銜延師教
孫長業儒次邑諸生邑人咸謂忠厚傳家云

列女

貞烈

靖安縣志

卷之十一

人物

三十一

元

李宗頤妻夏氏名琬常儒家女至正十八年陳友諒寇龍興
氏匿居後圃中賊至挾其女共投井死元史

按李尚書爲有明名臣其夫人死節在元時舊志列於
明代殊誤此傳全採元史本文舊志載夫人爲宋夏文
莊公竦六世孫女後葬於新建善政鄉並附記之

明

陳氏字若英高安人許配靖安舒璉璉以正統間隨父知府
敬宦嘉興卒於道喪還若英聞之悲慟不欲生母憐而解
之乃救淚潛入寢室自經死時年十九舒母迎柩合葬白

粉山詔旌其門曰貞烈

豫章書

按舊志陳氏名娥吉水殿撰劉儼爲立傳永新大學士
劉定之有贊其他題咏甚夥茲酌存之見藝文

舒銓妻余氏早寡有寇至欲執而辱之余自墜溝壑曰我名
家子甯死不受辱罵不絕口賊怒殺之

豫章書

按銓乃邑之富仁都人豫章書誤作南昌

生員涂崇儀妻淦氏涂崇位妻張氏俱熊仙人崇禎癸未流
賊擁衆劫掠舉家登樓賊聚薪焚樓呼二氏下樓免死二
氏罵曰甯與夫俱死不與賊俱生遂遇害事聞各憲旌之

國朝

靖安縣志

卷之十一

人物

三十二

舒烈女名乞秀富仁都舒成三女年十五順治五年鄧賊陷
城逼之不從口嚙賊手賊怒殺之

舒其任妻陳氏忠夏人順治戊子鄧賊逼汚不從赴水死

舒維讜妻錢氏順治戊子遭鄧寇夫婦被執賊殺讜欲遂辱
氏氏堅不從抱夫屍哭賊怒時氏有娠賊剖其孕而死

舒調熙妻朱氏坊都人順治戊子鄧寇破城賊執熙氏從隙
處窺見挺身出救夫賊釋熙而執氏氏不屈罵賊而死

胡顯廉妻周氏東江人年二十八遭鄧兵亂被執逼令相隨
氏堅不從卒見殺

項希顯妻劉氏大梓都人美姿容生一女甫十餘歲端麗如

母順治十六年土賊盧洪十倡亂華坊坪行劫村落氏母女均被掠挾之行數里至樟樹崖逼污不從乘間牽女躍入深潭三日後尸出顏色如生

熊作霑聘妻余氏年十七未稼聞作霑病白父母往視比入門夫不能言氏撫摩良久竟甦越三日死母家以未成婚禮迎之歸氏曰我爲熊氏婦矣萬無歸理數載伯兄生子舅卽立爲氏後氏撫而教之又數年氏卒

府志

舒貞女父某因貧入軍伍挈眷居會城家累數口月給銀米不足供同伍沈氏子時時周其急如是者數年父老且病圖歸計無宿春資沈復典質助之歸父感其惠以貞女許

靖安縣志

卷之十一

人物

三十三

之時年十五六矣歸數月父卒遺命諄諄毋負約其從叔某貪而狡欺其弱欲居爲奇貨謂其母曰女明慧如許何乃作兵卒婦母意爲動貞女誓曰背德不祥違命不孝有死無二已而沈來就昏叔故厚索聘金沈計無所出且知其叔之善訟也竟辭去母將議他適貞女知不可奪闔戶自經死邑進士熊銓爲立傳

萬迭練妻程氏歸萬生期年伉儷甚篤無何萬病綿延者三載氏爲延醫祈佛無虛日偶歸甯泣白其母曰壻疾若不起必身殉母慰諭之女曰兒無子恐舅姑不諒奪我志可奈何不如死之爲愈也已而萬疾卒不起氏經組其喪附

身附棺之具皆親自簡點泊葬送柩至山遂自縊鄉里稱爲女文丞老儒曾煜爲之傳

閔定杭聘妻陳氏幼抱養於閔十餘歲未成昏而定杭故兩家父母憐其少議欲嫁之氏謝曰妾身雖未分明固已拜姑嫜矣不敢從命守數年又有欲奪其志者氏以死自誓憂鬱成疾年垂三十而歿

周秋烈妻楊氏礮坑人饑耕田間路經山僻處猝遇強暴氏怒詈不從爲暴刃傷要害歸而泣告其姑曰婦不能復事母矣逾日死官爲置暴於法嘉慶二十五年題 旌

儒童舒采慶妻鄒氏奉新太學生鄒賢俊之女母黃氏鄒本

靖安縣志

卷之十一

人物

三十四

書香舊家氏賦性端淑自幼習聞庭訓內則夙嫻年十七歸采慶伉儷相敬其姑氏鄒卽氏之從姑母爲所鍾愛子婦承事惟謹能得舅姑歡心采慶聰穎嗜學屢備取未售益奮舉業子夜猶聞誦聲氏挑鐙刺帶佐讀不倦無何采慶得瘵疾百方醫禱罔效歿於嘉慶己巳越歲孤子又殤氏摧痛欲死堂上揮淚勸其守身待繼自是冰心霜面言不踰闕迨今四十年矣道光十九年題請 旌表有從姒舒展妻涂氏同時請 旌人稱清風雙節涂氏已立繼完貞今鄒氏年屆六十賢嗣之報尙待昭穆相當建坊於南原尖山之陽地處往來孔道另出貲建石亭於坊前爲行

晏開增之妻鄧氏

張修慧之妻陳氏

張家鉞之妻余氏

晏輝春之女雙英

舒恭鵬之妻周氏

洪道行之妻周氏

羅福惠之妻應氏

羅亨成之妻雷氏

李人湘之妻張氏

李繩芳之妻舒氏

李祖祿之妻陳氏

胡汝霖之妻徐氏

胡國佐之女千金

張齊沚之妻戴氏

張齊沚之女科姑

趙伯洪之妻劉氏

徐曰英之妻黃氏

陳慈章之妻謝氏

趙令光之妻劉氏

趙令第之母龔氏

靖安縣志

卷之十一

人物

三十六

熊懋福之妻任氏

熊求槐之妻余氏

徐本琚之母高氏

徐本琚之妻余氏

徐振保之妻劉氏

徐苞興之妻劉氏

余之坤之母項氏

余之坤之妻萬氏

徐本琚之女芬秀

舒德元之妻項氏

丁德言之妻熊氏

漆啟建之妻曾氏

李善果之妻蕭氏

李善基之妻余氏

李昌達之妻舒氏

李必楷之妻余氏

徐開廣之女蓮秀

胡美樵之妻黃氏

胡美樵之女芳秀

胡懿和之妻陳氏

張振玉之妻胡氏

胡祥茂之妻陳氏

邱德謨之女任秀

胡際定之妻景氏

胡祥高之妻潘氏

胡祥定之妻雷氏

胡祥權之妻晏氏

胡懿淇之妻熊氏

胡美景之妻周氏

胡美鰲之妻周氏

胡祥能之妻余氏

胡清華之妻徐氏

胡懿波之女千金

余立中之妻潛氏

余立中之媳周氏

鄒先林之妻涂氏

鄒誠本之媳陳氏

余自榕之妻吳氏

余黃娘之女福秀

余自悅之妻梅氏

靖安縣志

卷之十一

人物

三十七

雷先蛟之妻李氏

舒恭茂之妻羅氏

涂光亨之女順姑

甘德發之妻涂氏

張治璜之妻蕭氏

塘埠保殉難婦女

童生陳伯坤之妻曾氏

童生羅克化之妻王氏

童生羅允丰之妻鄧氏

從九曾咏春之妻顏氏

九品曾茂蓮之妻劉氏

陳昌禮之妻張氏

羅允發之妻陳氏

羅允瑚之妻黃氏

曾宏信之妻鄒氏

曾奇元之妻沈氏

曾厚昌之妻韓氏

曾志文之妻陳氏

曾臣瑛之妻黃氏

曾厚遂之妻謝氏

曾振玉之妻劉氏

曾厚禮之妻劉氏

曾茂菊之妻黎氏

曾德享之妻謝氏

楊萬瑞之妻謝氏

楊道賢之妻賴氏

黃逢春之妻涂氏

黃逢春之妻羅氏

黃秀連之妻廖氏

黃時宜之妻羅氏

黃時昌之妻袁氏

黃域超之妻林氏

黃華貴之妻謝氏

黃雲羨之妻梅氏

黃域超之女唐秀

王元才之妻鄭氏

王世蔚之妻陳氏

胡秀林之妻謝氏

靖安縣志

卷之十一

人物

胡運洲之妻陳氏

胡際亨之妻劉氏

胡際真之妻舒氏

胡清爵之妻甘氏

杜維茂之妻楊氏

高賢煜之妻鄭氏

韓光秀之妻陳氏

劉清發之妻黃氏

謝茂全之妻杜氏

賴宏謙之妻蕭氏

鍾子猷之妻曾氏

鍾立壽之妻胡氏

藍世文之妻丁氏

邱茂貴之妻胡氏

凌通倫之妻龔氏

凌芳德之妻藍氏

朱亮達之妻楊氏

鄔華千之妻陳氏

雷悅興之妻饒氏

熊子松之妻章氏

官良遠之妻曾氏

羅允健之妻陳氏

塘準殉難幼婦女

童生陳伯坤之女正九

羅文址之女連英

羅運春之女庚姑

羅漾海之女辛妹

羅傑士之女菊花

羅質萬之女甲秀

羅震東之女元英

曾宏信之女桂花

曾龍仙之女蓮秀

曾處洪之女招秀

童生曾利廷之女桂英

童生曾宏寬之女茶英

曾茂荒之女木英

曾處供之女午秀

曾子陽之妻劉氏

楊招炬之女二妹

靖安縣志

卷之十一

人物

三十九

黃碧泉之女金水

黃二古之妻賴氏

黃謨紀之女梅香

黃時鑑之女禾花

黃三古之妻賴氏

黃德旺之女露秀

王澄渚之女癸姑

王雙喜之妻李氏

王錦樹之女甲秀

王雲祥之女蘭英

王萬仞之女石秀

王樞古之妻黃氏

王香松之女柳英

王禮教之女鳳英

韓光秀之女三妹

鍾開玉之女招姑

林運生之妻謝氏

萬起發之女遷姥

附城保

項李氏 項舒氏

東內保

舒李氏 舒羅氏 舒李氏

東江都

甘熊氏 余熊氏 李陳氏 李余氏

雷劉氏 雷劉氏 雷彭氏 雷黃氏

胡熊氏 晏鄧氏 張羅氏 劉陳氏

劉邱氏 晏雙秀 潛錦秀

哲里

漆范氏

靖安縣志

卷之十一

人物

四十

沙河

謝陳氏 舒多秀

下八都

涂龔氏 袁雷氏 張胡氏 張陳氏

張程氏 雷張氏 余胡氏 雷劉氏

雷劉氏 雷胡氏 雷余氏 余盧氏

劉涂氏 劉魏氏 杜皮氏 黃熊氏

熊任氏 龔張氏 趙劉氏

哨前樓前保

雷羅氏 雷黃氏 陳楊氏 梅黃氏

明

舒宏道妻王氏年二十八而寡子三皆幼王撫孤成立長子仲甫娶陳氏生男未週歲而仲甫卒陳亦志操不二兩女長曰靖正適本邑項坊張次曰靖貞適奉新某俱早寡從一而終人謂舒門四節

按通志僅載舒仲甫妻陳氏旌

舒克正妻况氏伯律太守之孫女歸舒而無子勸其夫納妾生子詔未幾克正卒氏年二十守節至八十歲而終汪庸妻張氏庸卒氏年十七其母勸之他適不從至七十而

靖安縣志

卷之十一

人物

四十二

終 通志旌

生員趙進妻程氏年十九守節至八十終 通志旌

張萬英妻舒氏年二十守節事舅姑惟謹兄勸其再醮不從至八十卒 通志旌

舒銳妻黃氏富仁人夫故時氏年二十三哀毀特甚三月生遺腹子洛撫之成令名至七十完貞人無間言 通志旌

舒綱妻宋氏青年守節撫子沐成立沐娶妻余氏年二十五而沐又喪遺腹生孫國仲宋氏與媳矢志靡他以養以教宋年八十二而卒余年七十餘卒嘉靖二十四年巡撫顧其言題旌建坊曰雙節

錢波妻項氏廂都人年二十一生子朝陽甫三月而波卒教之成立補弟子員卒年九十三歲

通志旌

漆維縉妻何氏棠樾人年二十守節八十四歲卒題旌

生員舒如英妻王氏坊都人年十七守節萬曆四十四年巡

撫陳于庭題旌

增生舒一達妻謝氏富仁人年十八歸舒善事舅姑閨闈雍

肅年二十舉子鏐後二年一達卒匝月復舉遺腹子鏐集

蓼茹茶教養兩孤鏐後領鄉薦鏐補增廣生氏皆親見之

涂三七妻趙氏年十九夫故守節天啟間旌表坊額曰奕世

流芳

靖安縣志

卷之十一

人物

四十三

舒敬德妻詹氏石馬人年十九夫故鞠育二子守志不渝崇

禎二年巡按邢公給扁旌獎贊曰十九而守孤帷七旬而

喪二子甘貧守節督冢婦以課孫矢志靡他歷耄年而無

異

生員張彥遜妻蔡氏旌

通志

生員舒獻臣妻余氏旌

府志

舒荀妻余氏

舒輓妻張氏

嘉靖時年廿六守節萬曆時七十三完貞

國朝

生員舒志浩妻陳氏廂都人年二十六夫故守節勤苦育子

教讀父書子三煒梓俱貢生鎮庠生氏卒年八十六

生員陳舜全妻徐氏益田人年十九夫故二子方在襁褓又

舉一遺腹子矢志撫孤事舅姑克謹摒擋家政數十年備嘗艱苦三子以瑾以瑜以玠俱入學爲名諸生後復相繼殂謝氏以教子者教孫並皆成立卒年九十有四知縣高克藩詳請旌獎

廩生陳以瑜妻廖氏卽徐氏子婦年二十二夫故氏仰事俯育孝慈交至子之鏡亦庠生氏卒年六十一與姑並稱雙節

增生舒顯縉妻涂氏富仁人年二十四夫始守節家貧甚茹荼自甘先後事三姑俱以孝謹聞遭家多故叔姒早歿教子撫姪皆克有成子大儒貢明經康熙辛未知縣高克藩

靖安縣志

卷之十一

人物

四十四

詳請旌獎督學邵公給扁曰松風筠節

涂星婁妻張氏忠夏人年二十六夫故哀毀絕粒幾不欲生孀居六十餘載冰操始終如一勤績課子至孫玠遂領鄉薦順治三年知縣楊泰給扁曰峻節凌霄

舒文鋒妻帥氏年二十四夫故遺孤春育甫二歲撫之成立春育娶妻閔氏年方十九而春育病亡閔矢志如姑貧窶日甚節操彌堅帥氏卒年七十三閔氏卒年六十二知縣張慎行給扁曰名門雙節

程柯二妻舒氏年二十夫故守節六十七而卒知府胡公給扁旌之

雷時映妻舒氏年二十四夫故守節家貧以女紅自給有憐而餽之者拒不受納諸孤於一室不令別處其貞操類此
臬司給扁旌之

生員項銓妻龔氏年二十六銓故家貧無子矢志守節卒年六十二

生員涂星煜妻周氏年二十三夫故守節撫孤有成卒年七十八

生員趙日正妻舒氏年二十四夫故毀容守節卒年六十四
藩司王公給扁旌之曰貞節維風

生員涂鼎甲妻廖氏年二十四夫故子僅六歲撫孤守節年

靖安縣志

卷之十一

人物

四十五

八十卒

生員舒熾妻廖氏名雪松奉新貢生廖雲女母徐氏夢彩鸞而生少淑慧通書史年十九歸熾凡八年而熾卒守節撫孤自課二子慕芬慕芳勵行積學早餼於庠康熙四十六年督學楊公題請 旌表後慕芬舉孝廉方正治奉賢有聲慕芳拔取明經廖年九十視聽猶不衰族長均以爲巾幗人瑞云

生員涂璋妻舒氏年十七歸璋紡績佐讀璋病舒割股和藥以進服之不愈竟卒舒年二十五遺孤基生纔三月撫之成立雍正四年題請 旌表子基舉人任南海令孫光範

任鹿邑令曾孫甯先登進士任桐城令三世郎官咸謂節母所貽也

生員舒國正妻余氏二十五歲夫故食貧守節蘋藻事先如夫在日撫二孤長子羽健補邑庠艱苦備嘗清操足式題

請 旌表

生員漆學遜妻舒氏二十五歲守節甘貧育一子子亡育孫勤苦一生撫孤兩世題請 旌表

應大德妻周氏年二十夫故守節百折不回紡績課子子勗名重膠庠羣推氏德之報題請 旌表

生員涂進之妻余氏二十五歲夫故守節撫二孤成立懷清

靖安縣志

卷之十一

人物

四十六

履潔人無間言題請 旌表

舒亮楷妻劉氏二十七歲守節撫孤成立爲之婚娶未幾子又喪復撫二孫家難疊遭清操彌苦題請 旌表

增生舒正誠妻熊氏舉人明弼之女孫增生基之女適舒元載生子時義甫四歲而夫故氏欲以身殉舅姑諭以二老無供一孤誰哺因勉存視息辛苦支持子職父綱一身並

任守節二十七年完貞五十一歲題請 旌表

漆鳳翔妻徐氏年十七喪夫舉遺腹子學仁比娶婦生孫而學仁又喪撫孤兩世二孫皆克成立題請 旌表

漆鳳來妻舒氏年二十四夫故課子成名持家有法識大體

廣布施苦節仁心垂老不怠孫曾蕃衍皆氏所貽也題請旌表

廩生舒運珽妻宋氏年二十七夫故遺孤照纔二歲家本貧至是窘甚日食不給或爲之危弗恤也日藉女紅所入上奉孀姑下育稚子照後充選貢孫曾林立時以勤儉勗之

題請 旌表

舒時俊妻劉氏年二十八夫故家貧勤鍼帶以育諸孤苦節可風題請 旌表

舒運幹妻陳氏高安赤土村之巨族也歸舒年二十四而寡家計甚貧惟勤操作以事翁姑撫孤子甯能成立題請

靖安縣志

卷之十一

人物

四十七

旌表

徐廣文妻涂氏年二十四夫故無嗣爲之立繼守節至白首完貞題請 旌表

舒斯奇妻余氏夫故遺一子甫成人又喪遺一孫撫孤兩世食苦不言題請 旌表

涂星爇妻李氏年二十五夫故食貧事孀姑以孝聞題請旌表

涂楠妻余氏年二十七夫故家貧撫兩歲孤兒成立題請旌表

舒亮樞妻涂氏年二十五夫故繼夫兄子爲嗣撫之成立守

貞至七十餘歲而卒題請 旌表

生員曾應舉妻鄭氏年十七守節柵外不聞其聲事姑孝教

子嚴好行善事皆有可稱題請 旌表

蕭斯鳳妻舒氏年二十七夫故守節事舅姑克孝教二子有

成題請 旌表

熊軾妻應氏年二十二夫故內無期功之親氏矢志堅貞奉

孀姑舒氏不辭况悴姑以天年終撫子羽力學遊膠庠人

謂守節之報題請 旌表

按熊銓潔堂文稿有雙節傳載軾父名子成隨父良宦

遊吉州舟覆象牙潭溺焉妻舒氏年十七守節撫孤至

靖安縣志

卷之十一

人物

四十八

八十卒舊志爲軾妻應氏立傳僅附及其姑茲爲詳記

於此用當補傳

舒維濂妻葉氏夫故守節奉姑孝養訓子義方題請 旌表

額曰清標彤管

舉人舒亮妻宋氏奉新進士宋士琇之女孫文學坤之女

也歸亮喪爲再繼室先是喪之亡室周氏遺一子振甲寄

乳於姪母宋氏入門後抱歸保育如已出喪好學而善病

藥竈茶鑪氏事之備謹旣而喪以疾終氏年三十孤子十

三齟齬節支撐內政不令子以俗務紛心俾奉叔教成立

振甲懋任州縣著循聲宋氏每歲節家用寄助薪俸以成

子之廉族黨並稱賢母氏孀居四十餘年言不踰闕壺範
傳焉累 封太宜人因命婦遵 制未請 旌門

生員舒涵妻劉氏年二十八涵病故氏誓以死殉舅姑力勸
止之事舅姑必誠必敬姑患目將盲醫不效或謂之曰舐
可復明氏曰夕舐之姑目果瘳人以爲孝感初夫歿時有
勸氏改適者氏取翦自毀其面曰吾甯改面不改心也聞
者酸鼻子衷舉人氏年七十餘卒乾隆四十一年題 旌

府志

生員舒琮妻周氏年二十八夫病割股和藥以進卒不起子
克寬年甫八歲氏督課之爲國學生娶妻余氏生三子年

靖安縣志

卷之十一

人物

四十九

二十六克寬亦歿婦姑雙節人以爲難周守貞四十九年
余三十一年克寬子懋健孫承烈俱登乙科苦節之報蓋
不爽云

閔起官妻葉氏年二十一夫故遺子甫數月舅家貧且憐其
寡議改適肩輿至門氏聞之佯爲修飾者懷其子從後戶
奔赴母家得不嫁卒撫孤成立守節五十四年 府志

舒大燦妻徐氏青年守節孝義兼全阨窮堪憫乾隆二十六
年題請 旌表

張招妻余氏招故貧氏年二十四來歸結褵三載而夫卒氏
脫簪珥以斂時翁姑俱存曲意承養遺孤在茲督之嚴不

時鞭撻隣婦疑其有異志噉於姑氏聞持刃自明姑奪刃則已自傷腮腴見者無不肅然年躋八十而卒子在茲孫景葵皆有聲於庠乾隆四十三年題 旌

陳之琰妻徐氏年二十夫故事孀姑唯謹姑患痰病手足不能舉氏侍湯藥者三年無怠色鞠子婚配皆出自紡績之資年逾七十而終乾隆四十七年題 旌

貢生趙廷寬妻周氏廷寬五世單傳至寬無子病三歲不瘳氏爲繼夫族兄子爲嗣復慮其羸弱并繼一族弟之子已而廷寬歿氏年二十八歲奉姑育子白首完貞乾隆四十五年題 旌

靖安縣志

卷之十一

人物

五十

王萬進妻趙氏年二十四夫故無子繼夫兄子爲嗣勵志撫孤六十九歲而卒乾隆五十年題 旌

監生余蘭妻鄒氏年二十三夫故遺一子相繼而夭繼夫兄子元卜爲嗣撫之成立補邑諸生旋復下世撫孤孫督課不少懈孝事翁姑俱登上壽氏亦白首全貞乾隆五十九年題 旌

舒鍵妻李氏年二十一夫故無子遺一女夫弟尙幼上有祖姑暨翁姑具存氏力任家政與祖姑居處俟叔娶婦舉子即繼爲夫後茹藥飲冰一生勤苦現存八十歲嘉慶九年

題 旌

舒瑞麟妻熊氏奉新歲貢生應占之女歸舒四載而夫故兒甫三歲氏又有娠遺腹生一子長子復殤撫遺腹孤子星熙成立爲名諸生中道摧折又復課孫孫穎才亦入縣庠氏疊罹困苦勁節不少衰事舅姑能先意承志舅晚年日盲出入親自扶持性靜默非至戚罕覲其面鄉黨無間言嘉慶十年題 旌

劉賢璞妻李氏年二十二夫故守節敬事翁姑恩育孤子嘉慶十四年題 旌

項文林妻舒氏年二十七夫故氏時有身已而生女繼犬兄之第五子麟爲嗣麟後爲邑廩生與其同懷兄杰鵬兩孝

靖安縣志

卷之十一

人物

五十一

廉同有文名氏事姑惟謹教家極肅杰每與人論巾幗賢淑輒稱其叔母云嘉慶十七年題 旌

監生舒斯模妻周氏斯模患咯血疾數年無嗣氏急爲之納妾果舉一子夫故氏年二十八事姑育子皆出自紡績中凡園圃井臼之事靡不親操其勤儉有過人者子元植監生早下世夫妻子婦亦相繼而歿撫孫至六歲殤繼一孫復殤又繼一孫今已爲之完配矣氏所遭備極困苦而卒以堅忍成其節現存六十六歲見者無不敬之嘉慶二十一年題 旌

王斯信妻涂氏年二十夫故伉儷未久僅一女氏勵志守貞

事姑孝謹繼夫兄子爲嗣孫枝林立人謂其節孝之報嘉
慶二十一年題 旌

熊承泮妻舒氏年十九夫故僅一女氏弱齡守節人多難之
氏毅然爲夫立繼教養成立中道而殂復撫孫課讀入縣
庠宗族悲其遇更稱其賢道光二年題 旌

雷紹性妻熊氏父之輜早歿母劉氏以節稱氏歸雷五載而
夫喪時年二十七秉承母教一意守貞事舅姑能得歡心
姑壽躋九十而終教子撫孫恩義兼至現存七十二歲道
光二年題 旌

涂立質妻彭氏夫歿時雙親猶在遺孤歲餘氏仰事俯畜鞠

靖安縣志

卷之十一

人物

五十二

子甫成立氏年僅二十八歲遽病沒後子禮亦入庠有聲
道光七年 旌

富仁都李博遵妻利氏夫歿雙親衰邁氏盡子婦道得養餘
年孤甫三月鞠育訓誨俾紹書香勤儉苦積婚教有成氏
年五十餘每含飴弄孫課子誦讀以自慰道光十年 旌

夏陂都陳光謨妻凌氏安義進士凌祥烜之女弟幼秉姆教
慣聽書聲于歸後勤於佐讀有樂羊子婦風事翁姑如事
父母夫病沒遺有娠哭滅性舅姑慰之乃勉起旋舉子復
殤因繼姪爲夫後舅姑沒祭葬如禮人以孝婦勝於子在
云道光十五年 旌

新興都庠生熊起鵬繼妻黎氏黎本待年女歸起鵬爲繼室
前室帥生子承球甫能行走黎視如已出撫字備至起鵬
體素弱黎多方調護不以家累勞其神夫沒後乃勵志撫
孤後承球復早世更撫孤孫懋鍾俾克成立冰操性厲平
生少懽容亦少懽境惟知守義云道光十五年 旌
熊求偁妻舒氏氏出儒門素嫻孝敬舅姑愛之求偁好學多
病結褵後藥爐茶竈鮮燕溺之私甫一載而夫歿無子求
昭穆相當者爲夫後事翁姑克兼子職父母憐之撥以贍
產泣曰吾翁家豈少衣食耶歸之公以爲賙卹資恆助翁
成義舉性亦好義故也道光十五年 旌與黎氏立雙節

靖安縣志

卷之十一

人物

五十三

坊焉

羅運涯妻徐氏奉邑孝廉正暉女兄也夫歿事翁姑克孝養
葬祭皆如禮嗣子有成氏惟饗饋出閫闕人罕見其面云
道光十五年 旌

追里都劉之賞妻何氏夫病累月氏奉湯藥廢餐寢夫歿堂
遺二老膝下無孤氏忍死奉親卒爲夫立嗣年八十三完
貞道光十五年 旌

石馬都舒克齊妻梅氏年二十九歲守節五十二歲柏舟自
矢族戚咸欽道光十六年 旌

項玉第妻戴氏寓賢佐瀾之姪女少失怙恃爲伯氏所憐愛

及長適項荆釵布裘操作類貧家婦事舅姑能先意承志
得其歡心夫病耳疽月餘湯藥祈禱無懈迨夫沒痛不欲
生顧念斑白二老在堂因恐死勉代子職撫二幼孤嚴於
督課復以夫兄王簡無嗣體舅姑意以次子炳南承其祧
族人服其大義生平寡言笑雖姊姒歡聚而終其身未嘗
見齒戚鄙戚欽敬焉道光壬辰炳南登賢書長子中選授
從九品繇至德至慶俱邑庠人謂節孝之報氏已不及見
而九原慰矣道光十七年 旌

富仁都監生舒展妻涂氏舒涂並世族迭爲婚姻氏通書史
屢省舅氏舒鬻亭白香於省寓尤諳大家風範翁姑彌愛

靖安縣志

卷之十一

人物

五十四

敬之展以勤學咯血醫藥經年氏侍疾彌勤永訣時慟心
身殉昏暈竟日日擊翁姑年邁心傷恐不敢死勉代子職
送往事居賴無缺事家運值蹇夫有二弟季偕婦先棄世
仲爲諸生亦瘵亡其孤復孀姊氏繼歿遺一孤女依氏以
養以嫁老愈伶仃遇苦志堅卒能立繼娶婦親見暨坊以
歿藉少慰貞操焉道光十七年 旌

下安都張振基妻舒氏生性繩篤甘儉朴振基苦學積病累
年氏調護湯藥晝夜殷勤迨夫不起自顧無兒心已甘殉
矣姑勸諭之乃以未亡人矢柏舟節氏與姑本姑姪遂隨
姑理家務深望姊姒生男得爲夫後姑亦憐愛之二十餘

載貞松孝竹鄉里無閒言焉二十五年 旌

熊仙都劉光吉妻余氏于歸後克盡婦職人皆以賢孝稱之
迨守志益加韶晦深以未死爲憾侍夫病凡人所難者未
嘗辭瘁養舅姑終其身慎選嗣子冀慰夫志子塋以武生
議叙都司銜體毋志意欲捐貲爲倡爲合邑節婦建總坊
可知余氏之志矣道光廿五年 旌

東江都余世焜妻張氏家不中資夫亡後矢志支持勤儉艱
窘堂上恆備甘旨誨子不吝貲年七十而歿鄰里欽之二
十六年 旌

鄧承攸妻蕭氏夫歿時遺孤僅七月上有翁姑氏忍死支撐

靖安縣志

卷之十一

人物

五十五

撫孤成立守節二十四年清操足式完貞四十六歲艱苦
備嘗鄉里戚族咸欽敬焉子友柏已登賢書今曾孫蕃衍
人謂節孝之報氏雖未及親見而九原可以慰冰操矣道
光二十六年 旌

熊仙都生員劉國塋之妻余氏奉邑從善鄉名家女也恪遵
婦道挑燈佐讀年二十二歲卽失所天家貧乏嗣氏以老
姑無依朝夕侍奉藉紡績佐其饔飧勉爲未亡人者五十
年道光二十八年 旌

徐蕭氏陂都人徐必貴之妻必貴貿遷爲業病卒於省城氏
聞痛不欲生經姑勸慰強起支持殯殮喪葬如禮安厝事

畢遂從容就義自經以殉時年二十一歲咸豐元年旌
東江都從九余懋德之妻趙氏性沈靜于歸時孀姑年已六
旬傷足不良於行氏朝夕扶持曲得歡心夫歿遺有租田
僅供饘粥氏念本生姑貧困撥田租三十石以爲贍養葬
祭之用焉其篤念本根具徵天性仁厚他如建修本處青
山石橋及大路堰圳賑濟隣里至今德之現年五十九歲
守節四十年咸豐十年旌

鄭大裕之妻傅氏南一都南昌人奉姑必恭必敬相夫宜室
宜家茹荼二十二年清操五十一歲子方穀爲撫院吏房
清書於咸豐十年請旌

靖安縣志

卷之十一

人物

五十六

徐必高之妻鄒氏陂都奉新從善鄉人夫歿後翁姑俱已衰
邁及棄世祭葬盡禮遺孤五歲勤紡績以佐束修嚴慈並
濟俾克成立焉今五十二歲計守節二十七年同治四年
旌

舒振濱之妻熊氏富仁都人幼讀書通大義事舅姑能得歡
心夫歿遺孤三歲又遺腹生男教之有法皆循謹樸誠勤
耕苦讀義方式訓有嚴父風迄今諸孫林立恩勤鞠育儉
以持家族黨咸欽其清節焉計守節已三十五年同治七
年旌

舊志合例待旌節孝

劉十楷妻舒氏

舒一越妻張氏

趙士銓妻劉氏

周全一妻趙氏

舒顯道妻涂氏

趙士賢妻涂氏

生員周文任妻劉氏

生員舒淑妻甘氏

應君政妻舒氏

舒煥妻漆氏

舒顯龍妻陳氏

徐孟柱妻余氏

余孟學妻漆氏

涂彩榮妻趙氏

舒河妻熊氏

陳以柏妻甘氏

舒斯敬妻涂氏

舒斯晟妻陳氏

生員熊楚材妻舒氏

陳以汴妻舒氏

靖安縣志

卷之十一

人物

五十七

趙殷祥妻胡氏

涂遇妻舒氏

涂祚柏妻舒氏

胡憲妻涂氏

涂毓偉妻舒氏

涂祚椿妻舒氏

涂祚材妻舒氏

涂彩龍妻戴氏

曾奎妻舒氏

閔起瑞妻黃氏

涂毓涵妻熊氏

曾文登妻葉氏

曾大鵬妻錢氏

舉人錢士玠妻陳氏

舒采頊妻宋氏

周春瑞妻蕭氏

錢泮妻閔氏

潛日陞妻項氏

舒正忠妻錢氏

舒斯和妻熊氏

舒斯貞妻湯氏

周明奎妻陳氏

周鈞楠妻舒氏

涂瑜妻余氏

涂祚道妻項氏

黃學顯妻鄧氏

涂毓莘妻張氏

舒春妻陳氏

生員涂珊妻漆氏

葉二旭妻舒氏

舒亮灝妻張氏

陳天爵妻徐氏

舒亮泚妻王氏

以上乾隆辛未志

生員舒泰來妻古氏

胡其杭妻趙氏

孝子舒致逢妻趙氏

舒采掇妻李氏

靖安縣志

卷之十一

人物

五十八

張紹樞妻丁氏

周忠節妻閔氏

監生涂光篋妻舒氏

周恭公妻余氏

以上已酉府志

舒先焯妻徐氏

涂光鑲妻王氏

張修茂妻洪氏

張克誠妻余氏

涂啟尚妻閔氏

王大豪妻李氏

以上俱道光三年在府呈報給扁發縣查明

舒笙妻漆氏

生員舒紹傑妻黃氏

監生舒元學妻朱氏

舒致信妻項氏

舒式駟妻徐氏

舒式典妻閔氏

黃紹瑾妻劉氏

李仕銑妻鄢氏

戴佐松妻萬氏

劉城妻高氏

涂祿杲妻丁氏

涂光熹妻趙氏

舒希鎬妻徐氏

舒希達妻吳氏

舒羽烜妻劉氏

舒而遂妻李氏

舒遇昱妻項氏

舒而賢妻陳氏

舒羽耀妻張氏

舒羽煒妻錢氏

鄧克輝妻萬氏

蔡兆挺妻謝氏

劉之賞妻何氏

鄧陞龍妻漆氏

涂祿科妻余氏

曾廷富妾漆氏

清安縣志

卷之十一

人物

六寸

生 斌漆紹宗妻徐氏

涂祿哀妻陳氏

賈黃裳妻涂氏

涂光表妻黎氏

胡承炬妻趙氏

胡承煥妻蕭氏

胡顯焜妻李氏

黃第英妻王氏

生 斌王學元妻舒氏

徐日紅妻余氏

熊求章妻任氏

徐承燧妻趙氏

徐開祿妻劉氏

涂立貴妻舒氏

張愈鎔妻余氏

漆其萃妻舒氏

舒斯預妻趙氏

舒清琳妻羅氏

趙伯江妻余氏

陳崑賓妻劉氏

李厚沅妻趙氏

劉漢文妻周氏

李博遵妻利氏

胡一禎妻鄭氏

張愈松妻錢氏

熊求恭妻趙氏

胡一綬妻郭氏

熊得智妻孫氏

余以禮妻陳氏

鄧士桃妻陳氏

鄧一棟妻熊氏

趙廷簡妻余氏

羅福祐妻舒氏

曾兆興妻王氏

彭良淇妻周氏

羅福詮妻熊氏

張愈鼎妻陰氏

張紹驤妻涂氏

張顯武妻魏氏

張愈楞妻陳氏

靖安縣志

卷之十一

人物

六十一

陳正增妻趙氏

蕭繼輝妻熊氏

閔起選妻蕭氏

鄧陞相妻舒氏

陳正經妻趙氏

張春寬妻熊氏

余黃帽妻舒氏

舒亮璉妻余氏

舒克鈞妻熊氏

張愈愔妻熊氏

熊維境妻余氏

熊維球妻舒氏

熊維灑妻閔氏

熊求珍妻吳氏

漆宗桃妻余氏

熊維季妻舒氏

熊作興妻舒氏

徐夔妻袁氏

徐上有妻陳氏

徐上朋妻喻氏

徐國瑞妻熊氏

劉承祖妻涂氏

羅允慧妻錢氏

晏一騰妻張氏

晏士延妻余氏

熊元煥妻余氏

余黃策妻汪氏

雷本朝妻熊氏

雷本初妻周氏

雷紹周妻黃氏

徐開校妻余氏

胡誤妻熊氏

湯必濂妻舒氏

王時雄妻李氏

王時銳妻鄒氏

雷良章妻熊氏

劉名上妻趙氏

馬瑞達妻謝氏

舒克立繼妻熊氏

鍾增灝妻黃氏

靖安縣志

卷之十一

人物

六十二

陳聲遠妻蕭氏

涂苞坦妻舒氏

熊上顯妻陳氏

劉章模妻舒氏

張愈悔妻胡氏

邱仁良妻余氏

熊之林妻余氏

甘仁梯妻黎氏

劉孟相妻周氏

周今道妻陳氏

舉人項鵬妻吳氏

胡功焜妻涂氏

丁光禮妻帥氏

趙令濱妻余氏

周章錦妻陳氏

丁光祺妻舒氏

丁昭鳴妻趙氏

胡謨春妻潛氏

趙孚懋妻喻氏

涂承泰妻劉氏

劉光侑妻龔氏

舒而堯妻余氏

涂毓星妻余氏

熊求霖妻趙氏

熊之鐘妻劉氏

熊之轆妻舒氏

孫方錦妻舒氏

陳采球妻鄧氏

余昌求妻熊氏

程廷松妻徐氏

余國權妻李氏

洪亮侯妻黃氏

舒宗鎧妻萬氏

熊承泗妻余氏

熊求錦妻漆氏

熊求錄妻陳氏

張克明妻胡氏

黃禮傳妻田氏

余聲遠妻李氏

舒瑞鏗妻漆氏

靖安縣志

卷之十一

人物

六十三

涂紹泳妻晏氏

曾宗鴻妻蕭氏

湯必淞妾潛氏

錢熾昌妻宋氏

錢鳳鳴妻舒氏

徐開學妻舒氏

舒瑞鈞妻程氏

涂毓鳴妻陳氏

劉象鸚妻岳氏

陳時綸妻余氏

曾祖桃妻劉氏

涂協和妻熊氏

任為菊妻甘氏

涂毓建妻舒氏

舒采棟妻雷氏

涂光昭妻趙氏

葉和達妻羅氏

梁元達妻謝氏

張鼎蕙妻鄒氏

余以湖妻胡氏

羅允文妻曾氏

余以洵妻涂氏

吳先智妻涂氏

胡承龍妻余氏

閔起遠妻舒氏

張克統妻余氏

徐洪傑妻舒氏

閔京洪妻張氏

鮑涂承照妻謝氏

涂紹甲妻晏氏

舒瑞鎬妻應氏

涂承元妻蔡氏

徐步儒妻陳氏

張本鳳妻帥氏

張愈宋妻徐氏

洪采坊妻蔡氏

涂光前妻任氏

雷本昇妻舒氏

涂苞成妻舒氏

胡祥義妻程氏

靖安縣志

卷之十一

人物

六十四

舒懋堃妻楊氏

劉義賢妻藍氏

吳毓元妻李氏

劉漢江妻陳氏

舒采喬妻徐氏

沈子宣妻張氏

陳采烘妻余氏

陳榮國妻舒氏

彭良秀妻洪氏

余久漢妻涂氏

余廷宗妻張氏

曾維汪妻鍾氏

舒振楷妻漆氏

職舒驥祥妾何氏

余昌吉妻李氏

以上道光乙酉志

舒崇忍妻錢氏

舒一淮妻錢氏

舒凌金妻劉氏

舒運愷妻閔氏

舒一鳳妻甘氏

舒道生妻余氏

以上坊都

舒兆道妻余氏

監錢必名妾何氏

鍾錢咏梅妾王氏

王選彬妻舒氏

以上廂都

周章智妻鄒氏

官起惠妻王氏

李騰梅妻舒氏

以上益田

陳春鈺妻舒氏

余有績妻胡氏

靖安縣志

卷之十一

人物

六十五

熊西杰妻舒氏

監舒懋韶妾楊氏

陳春釵妻舒氏

以上石馬

張愈校妻舒氏

張愈最妻余氏

廩生張用和妻舒氏

李懿本妻胡氏

以上上安

蕭克統妻余氏

陳爲浩妻楊氏

閔京濟妻余氏

洪亮品妻古氏

陳采輻妻甘氏

熊先倚妻余氏

蕭我忠妻曾氏

熊邦俊妻陳氏

蕭訓箕妻涂氏

熊得興妻周氏

熊承錦妻彭氏

以上夏陂

洪學淵妻李氏

甘應鐸妻熊氏

余世鶴妻龔氏

典史余元春妾侯氏

以上東江

趙元江妻劉氏

舒遇銓妻羅氏

程軼妻涂氏

舒遇昭妻甘氏

舒致錕妻陳氏

胡運增妻劉氏

舒致暹妻涂氏

生舒允思妻徐氏

生劉國垣妻朱氏

員生劉國塋妻余氏

涂祚忬妻余氏

涂毓搏妻喻氏

靖安縣志

卷之十一

人物

六十六

以上熊仙

梁茂先妻張氏

萬椿茂妻任氏

萬茂清妻張氏

劉傳烈妻趙氏

以上大梓

劉元祿妻李氏

晏必樟妻舒氏

張振堃妻舒氏

以上下安

姚五雄妻李氏

趙令友妻劉氏

趙令絢妻涂氏

姚紹乾妻趙氏

趙令坤妻熊氏

趙邦基妻熊氏

姚紹章妻周氏

胡祥在妻任氏

任邦進妻張氏

余勝哲妻徐氏

包世廉妻余氏

以上追里

丁昭鶴妻黃氏

以上象湖

舒懋鏞妻羅氏

舒克均妻余氏

劉世功妻葉氏

劉顯昇妻鍾氏

以上南源

涂立煌妻余氏

舒恭燭妻劉氏

以上忠婁

舒任高妻陳氏

以上礪坑

靖安縣志

卷之十一

人物

六十七

漆元葵妻何氏

漆元定妻舒氏

以上棠樾

生舒詔文妻詹氏

舒佩還妻余氏

孫方棠妻舒氏

孫宏通妻錢氏

以上富仁

劉從簡妻藍氏

曾志達妻鍾氏

陳德政妻曾氏

陳錦龍妻鄒氏

葉成高妻郭氏

以上富二

以上道光戊申志

同治九年合例彙詳請 旌節孝

舒民德妻廖氏 年廿二守節 八十七完貞 舒崇銘妻况氏 年廿七守節 五十歲完貞

舒穎忠妻涂氏 年廿一守節 六十四完貞 舒清昭妻彭氏 年廿九守節 現六十二歲

甘本祺妻舒氏 年廿二守節 六十六完貞 舒瑞鎬妻應氏 年廿七守節 七十五完貞

舒瑞鈞妻程氏 年廿九守節 七十三完貞

舒而遂妻李氏 年廿九守節 六十一完貞

以上坊都

王希佳妻熊氏 年廿四守節 七十三完貞 錢維裘妻胡氏 年廿七守節 現七十四歲

例貢舒恭棠妾余氏 年二十守節 五十五完貞 錢 源妻舒氏 年十九守節 現五十九歲

以上廂都

靖安縣志

卷之十一

人物

六十八

黃明江妻舒氏 年廿五守節 五十九完貞 王采維妻舒氏 年二十守節 現六十三歲

監生舒鴻道妾劉氏 年廿二守節 現六十歲 余黃耀妻陳氏 年廿一守節 現五十二歲

王采循妻舒氏 年廿一守節 現五十三歲 王亮慶妻徐氏 年廿九守節 現七十歲

舒穎熾妻胡氏 年二十守節 現六十五歲 侯斯茂妻王氏 年二十守節 現七十四歲

舒鴻章妻黎氏 年廿九守節 現年七十歲

以上石馬都

涂啟祺妻錢氏 年廿七守節 六十一完貞 舒恭藻妻黃氏 年十四守節 四十六完貞

舒恭椿妻涂氏 年二十守節 現五十歲

以上忠夏都

熊德達妻陳氏 年廿四守節 現六十四歲 蕭家富妻胡氏 年廿一守節 五十五完貞

蕭家星妻李氏 年廿六守節 徐盛勳妻胡氏 年廿三守節

監生涂志斌妻熊氏 年廿九守節 鄧國寶妻余氏 年廿二守節

陳采蕙妻閔氏 年廿二守節 陳學忠妻晏氏 年廿八守節

監生張官錦妻周氏 年三十守節 主正壙妻舒氏 年十八守節

熊德遇妻黃氏 年廿七守節 古遇性妻蔡氏 年廿三守節

閔京託妻徐氏 年三十一守節 徐承信妻徐氏 年廿九守節

熊世憲妻余氏 年三十守節 熊成堃妻雷氏 年廿七守節

黃維文妻郭氏 年廿一守節 彭定遠妻黃氏 年廿九守節

陳芳烈妻周氏 年廿八守節 鄧士寬妻蕭氏 年廿六守節

鄧國埏妻余氏 年廿一守節 陳光長妻余氏 年廿七守節

靖安縣志

卷之十一

人物

六十九

陳光樸妻余氏 年廿五守節 陳光萬妻潛氏 年十九守節

閔希吉妻况氏 年廿四守節 熊邦俊妻陳氏 年廿九守節

陳爲浩妻楊氏 年廿六守節 蕭繼輝妻熊氏 年廿四守節

蕭克統妻余氏 年廿二守節 蕭我思妻曾氏 年廿八守節

蕭訓箕妻涂氏 年廿六守節 陳采輻妻甘氏 年廿二守節

以上夏陂都

雷紹卓妻錢氏 年廿六守節 彭允藹妻陳氏 年十九守節

甘勳傳妻陳氏 年廿三守節 李繩植妻雷氏 年廿五守節

監生余盈簡妻况氏 年廿六守節 胡而策妻李氏 年廿二守節

余晞吉妻舒氏 年二十七守節 胡而炯妻陳氏 年廿八守節

晏必早妻項氏年廿八守節

甘應杭妾李氏年廿九守節

余世鵠妻龔氏年廿一守節

甘文宣妻熊氏年廿一守節

以上東江都

增王敬修妻甘氏年廿八守節 李昌啟妻舒氏年廿九守節

以上上安都

張文錦妻舒氏年廿六守節 張家銓妻熊氏年廿三守節

李而恭妻舒氏年廿一守節 張振均妻舒氏年十九守節

李廷聰妻鄧氏年廿四守節 李廷芬妻彭氏年廿六守節

黃信華妻劉氏年廿二守節 晏必彰妻舒氏年廿三守節

以上下安都

靖安縣志

卷之十一

人物

涂毓黨妻余氏年廿九守節 徐亮恭妻胡氏年廿七守節

余運模妻吳氏年廿九守節 徐燾為妻喻氏年廿六守節

監余有煌妻王氏年廿七守節 徐存元妻胡氏年廿八守節

徐佳士妻涂氏年廿三守節 胡懿政妻舒氏年廿八守節

生程蓮妻黃氏年三十一守節 涂鳳翔妻熊氏年廿四守節

余而燦妻舒氏年廿七守節 涂符錦妻趙氏年廿六守節

舒允定妻閔氏年廿四守節 涂履安妻王氏年廿六守節

舒遇憲妻鄧氏年廿六守節 涂苞洗妻周氏年廿三守節

涂光墀妻劉氏年廿八守節 涂祚璽妻袁氏年廿八守節

程廷梓妻涂氏年廿七守節 涂光謙妻劉氏年廿五守節

袁先財妻胡氏年廿九守節 涂光啟妻鄒氏年二十三守節

胡承鋪妻羅氏年廿九守節 涂光奎妻余氏年廿七守節

涂光耀妻彭氏年廿九守節 蕭士奇妻余氏年廿四守節

熊承金妻劉氏年廿八守節 張治國妻熊氏年廿三守節

張治坤妻徐氏年三十守節 程維杞妾毛氏年廿六守節

從九張立謀妾吳氏年廿三守節 舒允濟妻宋氏年廿二守節

舒遇愁妻余氏年廿七守節 舒飛熊妻甘氏年廿七守節

涂光誦妻余氏年廿五守節 程家潤妻劉氏年廿九守節

劉裕衍妻魏氏年廿八守節 劉之茂妻吳氏年廿九守節

余家煊妻趙氏年廿九守節 張本棟妻余氏年廿一守節

靖安縣志

卷之十一

人物

七十一

以上熊仙都

趙于和妻項氏年廿六守節 趙韞玉妻張氏年廿四守節

雷嗣仁妾張氏年廿四守節 雷承勳妻漆氏年十二守節

生雷膺遇妻舒氏年廿四守節 雷承照妻余氏年廿二守節

雷本智妻余氏年廿七守節 胡祥濤妻吳氏年廿一守節

雷承易妻帥氏年廿四守節 龔彩銘妻徐氏年廿九守節

徐紹椿妻黃氏年廿八守節 徐曰洲妻黃氏年廿五守節

趙令柏妻余氏年十九守節 趙令熊妻胡氏年廿九守節

趙令煜妻黃氏年廿三守節 劉克灃妻黃氏年廿四守節

趙令錫妻周氏 年廿四守節 現六十九歲

雷先紅妻余氏 年廿五守節 現六十三歲

黃第恭妻廖氏 年廿八守節 現七十一歲

黃鼎登妻胡氏 年廿九守節 現七十歲

趙孚坤妻涂氏 年廿四守節 現五十二歲

黃第桂妻鄒氏 年廿六守節 現六十歲

趙令絢妻涂氏 年廿六守節 現八十歲完貞

趙子玉妻張氏 年二十守節 現五十八歲

劉繼員妻邱氏 年廿九守節 現七十三歲

以上追里都

張官瓊妻胡氏 年廿七守節 現六十六歲

以上象湖都

舉人項守和妾陳氏 年三十守節 現五十歲完貞

項至恭妻熊氏 年十九守節 現四十一歲完貞

梁榮國妻邱氏 年廿四守節 現五十七歲完貞

項中相妻任氏 年三十守節 現五十歲

靖安縣志

卷之十一

人物

胡承熊妻萬氏 年廿三守節 現五十五歲

張明貴妻戴氏 年廿一守節 現五十歲

項顯伸妻舒氏 年廿七守節 現五十一歲

監生項中蓮妻余氏 年三十守節 現六十五歲

以上大梓都

生員漆兆禧妻黃氏 年廿七守節 現五十八歲完貞

漆宗譜妻諶氏 年廿三守節 現六十八歲

鄧升饒妻熊氏 年十九守節 現六十三歲

漆啟廸妻舒氏 年廿三守節 現六十九歲

漆啟志妻陳氏 年廿六守節 現六十一歲

武生漆麟祥妻舒氏 年廿八守節 現六十五歲

甘氏育妻漆氏 年廿四守節 現六十九歲

王紹萬妻劉氏 年三十守節 現五十五歲

劉德選妻舒氏 年廿八守節 現六十六歲

以上棠棣都

熊先炳妻廖氏 年廿七守節 現三十七歲完貞

熊得增妻陳氏 年廿三守節 現六十五歲完貞

周文荃妻舒氏 年廿二守節 七十五完貞

熊令旭妻孫氏 年二十一守節 五十一完貞

陳龍雲妻徐氏 年廿二守節 四十五完貞

武熊煥新妻周氏 年廿三守節 現五十二

生周鳳詔妻熊氏 年廿六守節 現六十四歲

陳秉奎妻周氏 年廿五守節 現六十八歲

周翰灤妻陳氏 年廿九守節 現五十歲

從九熊際春妻蕭氏 年廿八守節 現五十三

鍾金湖妻馮氏 年廿二守節 現七十三歲

劉承祖妻張氏 年廿四守節 現五十三歲

陳化光妻余氏 年廿九守節 現五十歲

周章智妻鄒氏 年廿九守節 七十八完貞

舒一榆妻陳氏 年廿五守節 八十歲完貞

以上益田都

舒則瑞妻熊氏 年廿八守節 五十八完貞

程有元妻周氏 年廿九守節 七十五完貞

程宇元妻舒氏 年廿七守節 七十五完貞

程寬元妻漆氏 年廿三守節 五十四完貞

靖安縣志

卷之十一

人物

七十三

劉學純妻周氏 年廿二守節 八十一完貞

程賓元妻舒氏 年廿五守節 六十一完貞

舒連理妻程氏 年廿四守節 七十二完貞

程良曉妻陳氏 年三十守節 九十二完貞

陳煥文妻熊氏 年廿九守節 六十一完貞

周春楊妻舒氏 年二十守節 六十三完貞

陳致詩妻程氏 年廿一守節 現五十二歲

陳致珍妻程氏 年三十守節 現七十六歲

包軒南妻舒氏 年廿二守節 現六十九歲

陳啟樸妻湯氏 年十九守節 現五十七歲

周先文妻程氏 年廿八守節 現五十歲

舒懋珂妻陳氏 年三十守節 現五十三歲

舒雲暉妻周氏 年廿九守節 現五十六歲

監生陳家修妻熊氏 年三十守節 現五十五歲

陳采橋妻程氏 年廿八守節 現六十二歲

以上礪都

羅運宸妻劉氏 年廿九守節 五十七完貞

葉學陶妻劉氏 年廿六守節 現六十歲

生胡希質妻錢氏年廿八守節 現五十三歲舒懋鈔妻涂氏年廿一守節 現六十四歲
李厚瑚妻鍾氏年廿一守節 現八十歲

以上南源都

生韓夢易妻徐氏年廿九守節 現五十一歲舒采洧妻趙氏年廿八守節 現六十一歲
曾厚金妻羅氏年廿三守節 現七十三歲陳繼盈妻王氏年十八守節 現八十三歲
蔡定文妻羅氏年五十七守節 現完貞鍾增環妻涂氏年廿四守節 現六十二歲
黃仁廷妻李氏年廿四守節 現九十二歲鍾增潤妻藍氏年廿六守節 現五十四歲
李高潤妻蕭氏年廿八守節 現七十四歲韓郁斌妻邱氏年廿四守節 現五十一歲
鄒先利妻廖氏年三十守節 現七十五歲劉翼華妻林氏年廿四守節 現六十四歲
陳伯基妻王氏年廿六守節 現五十五歲曾士志妻羅氏年廿八守節 現五十四歲

靖安縣志

卷之十一

人物

七十四

曾秉乾妻顏氏年廿七守節 現五十七歲黃協超妻羅氏年廿五守節 現五十五歲
羅福祿妻邱氏年廿七守節 現五十七歲藍日發妻鄧氏年二十守節 現六十六歲
鍾錫智妻朱氏年廿七守節 現七十四歲李高梧妻陳氏年廿六守節 現六十八歲
李高秀妻葉氏年廿七守節 現五十七歲蔡達祖妻胡氏年三十守節 現五十五歲
監生蔡定元妻錢氏年廿九守節 現六十一歲舒裕辰妻郭氏年二十守節 現五十一歲
涂昌海妻鄒氏年廿六守節 現五十一歲况大坤妻鄭氏年廿六守節 現五十一歲
李郁通妻黃氏年廿七守節 現七十五歲劉翼海妻李氏年廿二守節 現六十六歲
劉燕立妻顏氏年廿四守節 現七十四歲李高縉妻劉氏年廿六守節 現六十八歲
鍾泮香妻陳氏年三十守節 現五十一歲鍾增茂妻曾氏年廿九守節 現五十一歲
李高美妻陳氏年廿九守節 現七十六歲張茂盛妻藍氏年廿九守節 現五十九歲

王京鳳妻吳氏年廿二守節
八十四完貞

以上富仁都

列女賢淑

國朝

涂梁四妻趙氏夫病衣不解帶湯藥親嘗醫者言不治氏割股和羹以進病頓蘇鄉人莫不賢之

廩貢生舒質妻陳氏夫病日夜侍湯藥不交睫者彌月病轉劇復割股和餌以進遂愈時未有知者久之婢言狀人咸嗟異知縣馮渠贈以扁額鄒朝陽復爲立傳

廩生涂彩銘妻錢氏幼嫻閨訓歸於涂得舅姑歡心姑病割

靖安縣志

卷之十一

人物

七十五

股禱天願減已算壽姑已而姑果痊氏父母家貧無嗣請於族擇相當者繼其後又爲置產贍祭費鄰里有貧不能娶者捐資助其昏凡修橋補路捨藥施棺一無所吝兩子皆有聲於庠人歸美於氏焉

知縣涂基妻舒氏廩貢生青之長女幼偕兩弟讀書通大義父母極鍾愛之一夕課僕婦女紅婦舉鍼誤刺其目血流被面痛徹心骨父母急趨問乃詭自承一日遂眇婦感其德陰以泄於人曰姑如此存心他日福當無量也歸涂後事舅姑備極柔順基亦雅重其賢相敬如道儷交從夫宦遊嶺南克修內職子孫衆多相繼擢科各登仕宦累

勳

孺人

涂祚坡妻張氏年十九歸於祚坡未逾月而夫遠賈於外始猶通音問後竟莫知所終氏封髮自守食貧事姑始終不渝其志現已五十四歲冰玉之操人無間言

監生錢炳妻劉氏本襄陽舊家女炳客遊於楚聞其賢以禮聘焉炳白手起家善於貨殖氏入門後佐治內事勤儉有法費用益饒中歲夫歿訓其二子必名咏梅皆能恢宏父業竝充上舍生相繼不祿痛撫四孫延師課讀已見新筍一班氏老猶好勞日治絲枲以教諸婦自奉不許豐然於合用者未嘗愆也道光五年夏邑大水河隄沖決眾議修

靖安縣志

卷之十一

人物

七十六

石壩氏體夫生前好義之志慨捐五百緡爲倡人皆以女君子稱之

以上道光乙酉志

贈中憲舒慶元妻張氏贈文林張愈寧女浙江督糧道舒化民母也幼嫻內則才敏性靜歸舒後事舅姑以養志聞夫姊陳姑及笄未嫁患瘍癰穢汚不可近氏爲新婦時爲之拊摩洗滌逾年乃瘥尤得舅姑歡心日用支絀典釵環以佐家用不令有內顧憂生子化民侍父就塾內督綦嚴不爲姑息後以顯名邑俗佞神佛糜資財心非之絕不爲巫覡祈禳事而斗粟尺布有得之可以全人名節者恒竭情

周邱鄉里以爲識大義焉年五十而卒後以子貴初贈宜人累贈恭人

廩生舒從新妻趙氏儒門女幼明大義父母慎于擇配從新聞其賢以禮聘焉結褵後相敬如賓事老姑節母古孺人尤盡孝道姑晚年多病趙氏隨侍寢處抑搔適意從新家本清貧賴硯田以爲養常遠館于外以趙氏事姑維謹得免內顧憂無何姑疾益篤夜焚香私禱司命欲剖股以進姑覺之急諭保身以爲孝乃止從新歸奉母急百計醫調罔效遂棄養氏與夫哀禮備至行路感焉

儒童陳思樂妻熊氏奉新舉人任介休知縣兆占之女孫幼

靖安縣志

卷之十一

人物

七十七

嫺閨訓敬事舅姑道光十年姑病湯藥罔效氏割左股和藥以進姑病頓愈二十七年夫病復割左股兩次忍創能人所難邑侯祁啟萼給賢孝可風匾旌其門邑人舒觀察化民作樂府九章以紀之

忠夏都韓世富之妻郭氏性端淑事舅姑極賢孝事夫相敬如賓世富好行善事氏尤能贊成之嘗捐重貲立公濟會以賑流離凡修補橋路暨一切義舉屢力勸其夫爲首倡燕翼雲礽眼見五代百八十餘人雍睦一堂遠近有義門之頌迄今遊庠序者七人援例納貢監者最夥詩禮傳家螽斯衍慶有愈熾愈昌之勢皆氏德所貽也

彙載割股賢婦

黃簡文妻李氏 療夫

應光武妻朱氏 療夫

舒顯吉妻應氏 療夫

涂苞成妻舒氏 療夫

涂桂先妻舒氏 療母療夫二次

舒克懿妻錢氏 療夫

舒墻妻周氏 療夫

舒志淦妻鄭氏 療姑

舒遇懋妻余氏 割股療夫

胡祥義妻程氏 療夫

以上舊志

胡宋森妻舒氏 割股療姑

陳必達妻胡氏 割股療姑

王保民妻陳氏 割股療姑

舒孔恂妻查氏 割股療姑

熊步瀛妻舒氏 割股療夫

靖安縣志

卷之十一

人物

七十八

寓賢

邑僻在偏隅輪蹄罕至稱寓公者蓋鮮舊僅有金處士今檢閱載籍并訪之故老復得數人用志高賢之

遺蹟云爾

明

李邦華字孟閣吉水人少隨其父廷諫館於邑迴溪上元令

陳文家與文四子共視席者十數年廷諫舉萬曆癸卯鄉科游宦京師乃始挈之去後邦華巡撫天津有寄壽陳應慶序猶戀戀靖安山水稱為樂土焉以左都御史死節文

信國祠諡忠肅

徐世溥字巨源新建人明季諸生累辭薦辟負盛名於時所稱南州四公子之一也嘗避兵走靖安訪故人舒管生於姿天閣寓居鼻芳山中最久與舒初民鄭延祖輩俱友善其哭初民有流寓客中客亂離身後身之句才人境窄蓋可悲矣世溥雖極流離不廢嘯歌以山水友朋爲性命吟屐所至雲壑留香凡在靖題贈詩文見於榆墩集及雨穉新漚者猶想見寓公風流云

徐應芬字二其進賢人學問博通中崇禎庚午乙榜後因世亂隱居靖安之寶峯山著書自娛有聾山子全集進賢縣志國朝

靖安縣志

卷之十一

人物

七十九

喻昌字嘉言新建人明季副貢學博才宏隱於醫其女兄嫁邑之舒氏故居靖安最久治療多奇中戶外之屨常滿焉後僑寓吳中卒無嗣其甥負遺骸歸舟過左蠡遭風浪首尾盡折獨骸龕一棺無恙厝於邑中一蕭寺有盜其旁銅環者立斃法身久而不壞郡人迎歸祠之所著醫書遺稿多藏於其甥家甥族人斯景補刻其傷寒後論熊進士銓爲序而行之

金孟庚別號石庵江南休甯人順治間隨父行生來靖安卜居南源華家山父沒命其弟歸娶獨奉祖母遺像廬守父墓不求聞達六十餘年如一日教授生徒以孝友相勸勉

薰其德而善良者甚衆邑中耆舊皆樂與往還年踰九十而終康熙壬辰捐田租三十石入學宮爲購書之資孝義之行賢愚推服

戴佐瀾字潑川建昌縣港北人自其祖寄居靖安百有餘年矣祖名廷祺由直隸東光縣尉遷福建同安縣丞罷官後訪戚於涂氏愛靖邑山水幽邃遂買西城外陳氏宅居焉父賢鎮援例出仕銓揚州甘泉典史繼選盛京刑部司獄李第湘以四庫館寫書勞議叙爲湖北石首縣典史三世作吏皆以清白著稱家無儋石佐瀾同懷四人居長主器逮事祖若父先後棄養諸弟復相繼歿一身百瘁子姪

靖安縣志

卷之十一

人物

八十

孤弱惟佐瀾是依乃課蒙以資生計兼善岐黃學問醫者求無不應疾愈亦不索謝當日城鄉婦孺蓋無不稱戴先生云

蔡心泰字子安號石雲奉邑石溪人庚子科舉人授徒靖安廻溪陳宇家咸豐丙辰粵匪竄靖公以訪友遇賊賊執之罵賊不絕口賊怒加以酷刑猶朗誦殺人無寸鐵惜墨抵兼金而逝事聞贈卹如律

